

ახალი პეპელი

ყოველ-კვირეული სამეცნიერო საპოლიტ. და სალიტერ. ჟურნალი

№ 7 ორგანო ახალგაზრდა მარქსისტთა ორგანიზაციებისა. № 7

რედაქციისაგან: ამიერიდან ჩვენი ჟურნალი, სხვა და სხვა ჩვენგან დამოუკიდებელ ტენიკურ ხასიათის მიზეზების გამო, გამოვა ათ დღეში ერთხელ. ვეცდებით ჩქარა ისევ კვირეული გავხადოთ.

შინაარსი: 1) ახალგაზრდა მარქსისტთა ორგანიზაციებს. (კ-კ. მოწოდება). 2) ერთი წლის შემდეგ.—ა.—ი. 3) ბარათაშვილი (კრიტიკული ეტიუდი).—არ. მექანარიშვილი. 4) აგრარულ რევოლუციის გარშემო.—ა.—ი. 5) ანარქისტების მოძღვრება და მარქსიზმი.—მ. ხუნდაძე. 6) კოლხეცია და ქართველი ს.-ფედერალისტები.—ს. მიხელიძე. 7) გურიის ახალგაზრდა მარქსისტთა ორგანიზაციების კონფერენცია. (ანგარიშები). 8) ამ-კავკასიის ახალგ. მარქს. ბირეული კონფერენცია. (მოხსენებები ადგილებიდან). 9) ახალგაზრდა მარქსისტთა შორის. (კორესპოდენციები).

ახალგაზრდა მარქსისტთა ორგანიზაციებს.

13316

ამხანაგებო!
ამიერ-კავკასია საბედისწერო მომენტს განიცდის. შინაურ ანარქიას და არრევიუციონერულ, რომელიც მთელი თავისი ძალ-ღონით ებრძოდა ჩვენი ქვეყნის დემოკრატია, ზედ დაერთო საფრთხე გარეშე მტრის შემოსევას. მიუხედავად საზოგადოებრივი მოლაპარაკებისა, ოსმალეთის ჯარი ჩვენ საზღვრებს უახლოვდება.

რუსეთში ხალხმა ვერ შესძლო მტერთან გამკლავება და ის თავისუფლება, რომლისთვისაც ამდენი უმანკო სისხლი დაიღვრა, გერმანიის იმპერიალიზმის მოუხეშავ ქუსლის მიერ იქნა გათვლილი. ჩვენ ქვეყანას იგივე ხვედრი მოელოს, თუ ჩვენ ვერ შევძელით დავიცვათ თავისუფლება და ჩვენი ფიზიკური არსებობა. ოსმალეთის ბატონობა—ჩვენთვის ყოველივე ძვირფასის დამსხვრევა იქნება; დამსხვრევა, როგორც რევოლუციის მიერ მოპოვებულ, ისე მრავალ, ტანჯვით სავსე, წლებში შექმნილ კულტურულ და სოციალურ ღირებულებათა. ჩვენ ქვეყანას სრული პოლიტიკური და ეკონომიური დაუძლიერება მოელოს.

დღეს დადგა წუთი, როცა შემთხვევა გვეძლე-

ვა დავამტკიცოთ, რომ ჩვენ ღირსეული მემკვიდრეები ვართ თავისუფლებისა, რომ ჩვენ შეგვიძლია არა მარტო მივიღოთ ეს თავისუფლება, არამედ იარაღით ხელში დავიცვათ იგი.

საჭიროა მთელი ჩვენი ახალგაზრდური ენერჯია შევწიროთ ამ დიად საქმეს. ახალგაზრდობას მუდამ ცეცხლი და აღფრთოვანება შეჰქონდა ყოველ რევოლუციონერულ მოძრაობაში და დღესაც არ უნდა უღალატოს ამ გზას.


არ უნდა გვავიწყვდებოდეს უდიდესი ლოზუნგი ჩვენი ქვეყნის დემოკრატისა: თუ რუსეთს რეაქციის ალი მოედება, ამიერ-კავკასია რუსეთის რევოლუციის თავრისხათ უნდა გადაიტყოს.

ამხანაგებო!

ცენტრალური კომიტეტი ამიერ-კავკასიის ახალგაზრდა მარქსისტთა ორგანიზაციისა მოგმართავთ თქვენ მოწოდებით ჩაუწეროთ ჯარში, ვისაც კი იარაღის ტარება შეგვიძლიათ და საერთოდ ყოველგვარი დახმარება გაუწიოთ თავდაცვის საქმეს.

მაშ მხნეთ ამხანაგებო!
გაუმარჯოს რუსეთის რევოლუციას!
გაუმარჯოს თავისუფლებას!
გაუმარჯოს სოციალიზმს!

ცენტრალური კომიტეტი ამიერ-კავკასიის ახალგაზრდა მარქსისტთა ორგანიზაციისა.



ერთი წლის უეცრად.

გავიდა ერთი წელი, წელი — საუკუნე...

ისტორიის წიგნში ამიერიდან ერთი საკვირველი ფურცელი შეაჩერებს ცნობის-მოყვარეს ყურადღებას: ფურცელი სისხლში და ტალახში მოსვრილი, დიად ტანჯვისა და მასთან დიად სიხარულის მეტყველი; ნახავს მას მომავალი ადამიანი და მწარე ღიმილით, თან კი ნაზი სიყვარულით წაიკითხავს პირველ სიტყვებს: „რუსეთის დიდი რევოლიუცია“.

ამბობენ: უკიდურესობანი ერთდებანაო და რუსეთის რევოლიუციაც თითქოს ყოველ უკიდურესობის საზღვარზე დაბადებულაო, საკვირველ წინააღმდეგობათა ბაღში იქნა გაზვეული...

შეეჯურღმულეებში და ცივ სარდაფებში მრავალ წლებს განმავლობაში გროვდებოდა ბოღმა ხალხისა და იგი უნდა გადაქცეულიყო ხალხის რისხვათ, — რისხვათ, რომელიც ნიაღვარივით წალგავდა ხალხის მტარვალტს. სამი წლის ომმა დასტანჯა და დაქანცა ხალხი, მაგრამ მისი ნაღველის ფილააც აიფსო და მისი მრისხანება დიად მოძრაობათ გამოიხატა.

აქედან იწყება ხანა ხალხის ბატონობისა...

მაგრამ ძველმა ქვეყანამ მას უანდერძა მძიმე ჯვარი, რომელსაც შავის ასოებით ეწერა: ომი და ანარქია. ამის იქით თვით ხალხს უნდა გზიდა იგი. და მან იწყო ეს გრძელი და საბედისწერო გზა...

პირველ თვეებში ეს გზა ვარდებით იყო მოფენილი...

— ბრძოლის ველზე დახოცილთა საფლავებზე გიწვდით ხელს რუსეთის მშრომელი ხალხი დასავლეთ ევროპის პროლეტარიატს. ჩვენ დავამხეთ თვითმპყრობელობა, ჩვენ მოვიპოვეთ თავისუფლება და ესლა მოგიწოდებთ თქვენ საერთო ძალღონით მოვსპოთ ეს საზარელი ომი კაცობრიობის საყვითილდღეოთ... — გაისმა პეტროგრადიდან 14 მარტს იმედით და ენერგიით საესე სიტყვები.

მაგრამ ისტორიის ნემეზიდა მეტად მკაცრი და უღომბელი გამოდგა...

სიხარული თანდათან შავი ზეწრით შეიმოსა: ხალხს არ ეყო ძალა შემოქმედებისათვის, იგი ომით მეტად დაქანცული გამოდგა. მას არ ჰქონდა უნარი ბრძნულ და მომთმენ მოქმედებისათვის, ძველი

წეს-წყობილებით მისი არსება მოშხამული და დამახინჯებული იყო.

Le mort saisit le vif... მკვლარს ცოცხალი უჭირავს... მკვლარის აჩრდილი ისევ ჩვენ შორისარის და შურს იძიებს...

რაც დრო გადიოდა ჯვარი იგი მიტ უფრო მძიმე ტვირთად აწევბოდა გაწვალბულ ხალხს. თვით მათ შორის თავი იჩინა უთანხმოებამ, შუღლმა და ბრძოლამ; უკმაყოფილო ნაწილი წამდა-უწუმ სცვლიდა თავის მეთაურებს. რაც უფრო იზრდებოდა სიძნელე ეკლიან გზისა, მით უფრო მეტი სურვილები აღიძვრებოდა ხალხის გულში; რაც უფრო მძიმდებოდა ტვირთი, ავადმყოფი ოცნება მით უფრო მშვენიერ მიზნებს ისახავდა და ოცნების კოშკებს აშენებდა. ამაში იყო უმთავრესი ტრადედია რუსეთის რევოლიუციისა.

— ჩვენ უნდა გავაკეთოთ ნახტომი აუცილებლობის სამეფოდან თავისუფლების სამეფოში; ჩვენ უნდა ვითაოთ სოციალური რევოლიუცია—25 ოქტომბრიდან გამუდმებით ისმის მხურვალე სიტყვები დაბრმავებულ სახალხო კომისრებისა.

ვერ აიტანა ტვირთ-მძიმე და მაშვრალმა ხალხმა ეს ნახტომი, იგი კიდევ უფრო გაიხრწნა და რკინის მუშტის მიერ იქნა გაქცულილი.

იგი თვით აცვეს იმ ჯვარზე, რომელიც ერთი წლის განმავლობაში ტანჯვითა და ვაი-ვაგლახით ზიდა.

დღეს მის გოლგოთაზე შავი დროშა ფრიალებს... გავიდა მხოლოდ ერთი წელი, მაგრამ წელი — საუკუნე...

ისტორიის წიგნში ერთი საკვირველი ფურცელი ჩაიწარა: ფურცელი დიად ტანჯვისა და თან დიად სიხარულის მეტყველი... და თვით ბრძაც კი ამოიკითხავს იქ, იმედს განახლებისას, აღდგომას ადამიანისა.

ნ. ბარათაშვილი.

(კრიტიკული ეტიუდი).

აკაკის შემდეგ, მე-XIX-ტე საუკუნის მეორე დიდი მგოსანი ჩვენთვის არის ნ. ბარათაშვილი. ბარათაშვილი ისეთი მგოსანია, რომლის კითხვა, რომლის შესახებ წერა და ლაპარაკი როდი მოსწყინდება კაცს. რატომ? იმიტომ რომ ბარათაშვილი ადამიანის სინდისია, მისი სულიერი ცხოვრების მთავარი ნატეხია, მისი ინდივიდუალობაა. იგი შეეხო თავის პოეზიაში იმ კითხვებს, რომელთა შესწავლა ადამიანს ყოველთვის ესაქიროება; ბარათაშვილის მთელი პოეზია ადამიანის ფსიქიური განცდაა, ყოველი მანსი ნაკეთი ადამიანის სულის გამოძახილია და სანამ არსებობს ეს ადამიანი, მანამდე მისი ქნარის სიმთა ჟღერაც შეუწყვეტელი იქნება.

ერთ აღაგას ლ. ტოლსტოი ამბობს, რომ ქვეშარბიტი გენიოსები ჩნდებიან არა მარტო პორიზონტალურათ ე. ი. არა მარტო საერთო განვითარებასა და აღორძინების დროს, არამედ ვერტიკალურათაც, უცბათ, სპორადიულათ და ყოველ ხანში, იქნება ეს დაცემის თუ აღორძინების ხანა. ეს დებულება რამოდენიმეთ ბარათაშვილზე მართლდება. მისი გენია ჩვენი ქვეყნის მოღუშულ ცას მოულოდნელათ მოევილინა. თუ რა დრო იყო ბარათაშვილის დრო, ე. ი. მე-XIX-ტე საუკუნის მე-20—30—40-ე წლები, ეს ჩვენ ეხლა საკმაოთ კარგათ ვიცით, რადგანაც ერთობ დიდი, როგორც ოფიციალური, ისე არა ოფიციალური, ლიტერატურა არსებობს ამ ხანის გამომხატველი. მაგრამ ამ შემთხვევაშიც ჩვენ რომ ისევ სიტყვა-კაზმულ ნაწარმოებს მივმართოთ, აშკარათ დავინახავთ, რომ ი. ჭავჭავაძის მიერ კლასიკურათ დასურათხატებულნი, ჯერ ლუარსაბ თათქარიძე („კაცია-ადამიან“-ში) და შემდეგ დათიკო („გლახის ნაამბობ“-ში), იმდენათ, რამდენათაც იგინი რეალური ტიპებია, ამ დროის ღვიძლი შვილებია, სოფელი ამათი იყო და ქალაქიც ამათივე სულიერი მონათესავეების, მხოლოდ იმ განსხვავებით, რომ ქალაქში „ბრჭყვიალა ჩინ-შენდლობა“ იყო გაბატონებული. აშკარა იყო, რომ ამ ხნიდან ძველი ნატურალური მეურნეობა და მასზე აღმოცენებული წესწყობილება ნელ-ნელა აუცილებლოვ უნდა გახრწნილიყო და იჩინა კიდევ ამ პროცესმა თავი, მაგრამ ჯერ ახალი ცხოვრების მატარებელი ძალა არსად სჩანდა. ამიტომ სრული

ზნობრივი და გონებრივი აზრათა ცველვან, უღრესათ განვითარებული ბატონ-ყობა, გაქვალტყავებული გლეხობა, რომელსაც ბატონის 112 მოთხოვნილება უნდა დაეკმაყოფილებინა, უკანტროლო თარეში ევლური ბიუროკრატიზმის—თი ზოგადი მხარეები ამ სავალალო დროისა.

თი ამ საერთო დეგენერაციის ერთი სადი გამონაკლისთავანი ნ. ბარათაშვილი იყო. ის იყო მართლაც ის სუმბული, რომელიც სხვას არ ჰვავდა, იგი უდროო მერცხალი იყო, რომელსაც მკაცრი დასუსხვა მოელოდა. და მართლაც ტრალიკულია ამ მგოსნის ბედი. იგი თავის დროში მთლათ გაუგებარი და უცნობი დარჩა. ჯერ კიდევ მე-XIV-ტე საუკუნეში დანტეს ნახევარი ცხოვრების მიჯნათ 30 წელი მიანდა, შემდეგ იწყობა ცხოვრების მეორე ნახევარიო. ბარათაშვილი 29 წლის ჭაბუკი გამოესაღმა დაუნდობელ წითისფელს. ისიც აშკარაა, რომ ადამიანი ცხოვრების მეორე ნახევარში უფრო შემომქმედია, ვიდრე პირველში. ამას რომ დაუმატოთ ისიც, რომ ის რამოდენიმე ლექსი, რომელიც პოეტმა მოასწრო დაწერა, იწერებოდა მშრალ საკანცელარიო ქალაღებთან ერთად, ნათლათ წარმოვიღვენთ, თუ როგორი იყო ხვედრი პოეტისა. ბარათაშვილიმა ანი სთქვა და ბანის თქმა აღარ დასცალდა. მისი ორიოდ ათეული ლექსი ბევრს ვერავის დაკმაყოფილებს, მაგრამ იგი ისე ძლიერია სულიერი პროტესტით, არსებულის უკმაყოფილობით, დაუსრულებელი ძიებით, აზრთა სიდიადით და გონებრივი მისწრაფებით იდეალებისადმი, რომ მთელი მისი პოეზია ქვაკუთხედათ დაედო შემდეგომ ლიტერატურას.

საერთოდ იდეას დიდი მნიშვნელობა აქვს; იდეა, რამდენადაც იგი მომწიფებული, დროს შესაფერისი და სამართლიანია, იმდენათ სწრაფად ვრცელდება ხალხში. მაგრამ ეს ბევრის შემძლე იდეები თავის და თავათ როდი იქმნებიან, ისინი ზეციდან კი არა სცვივიან, არამედ ეს იდეები შედგეია ადამიანთა სოციალური და ნივთიერი, წმინდა მატერიალური განვითარებისა. სანამ თვით იდეა შეიქმნებოდეს, არის მიზნუი ამ იდეის შექმნისა. თვით იდეა მეორე, დამოკიდებული ფაქტორია, შედგეია პირველი ფაქტორისა და ეს პირველი ფაქტორი არის ადამიანთა ეკონომიური ვითარება, ე. ი. მათი მატერიალური ყოფა-ცხოვრება, საწარმოვო

ძალთა მდგომარეობა. და რამდენათაც იცვლება ამ საწარმოვეო ძალთა ურთიერთობა, იმდენათვე იცვლება ზედნაშენი იდეები, კედება ძველი და ჩნდება ახალი. ეს ახალი იდეა იმარჯვებს, მაგრამ სასურველი ცვლილება კიდევ ხდება, საწარმოვეო ძალები განვითარების სხვა ფაზისში გადადიან და ეს ახალი იდეაც უკვე ძველდება, მის ალაგას სხვა, უფრო ახალი იდეა ჩნდება. კიდევ სწარმოებს ანტაგონიზმი ამ ძველს და ახალ იდეას შორის და, რადგანაც ახალი სამეურნეო ფორმა იმარჯვებს, იმარჯვებს ახალი იდეაც. ეს პროცესი სწარმოებს ნელ-ნელა, თანდათანობით. იდეები ხშირად კონსერვატიულია უფრო. ასეთია სოციალური ევოლუციის, ისტორიული მსვლელობის კანონი. მაგრამ, როგორცა ვსთქვით, რახან იდეა გაჩნდა, მოაწიფდა, ამ იდეას უდიდესი ძალა და გავლენა აქვს საზოგადოებაში; „ამ დროს იდეა ხდება უმძლავრეს ფაქტორათ საზოგადოებრივ განვითარებაში, შეგნება და შემცენება უდიდეს როლს თამაშობს მაშინ და ისტორიაში შემოდის ამ დროს ფსიქოლოგიური ფაქტორიც“.*).

იდეათა ეს უდიდესი ძალა და გავლენა ნათლათ გამოჩნდა მე-XIX-ტე საუკუნის დასაწყისს ევროპაში. მთელ განათლებულ ევროპას მოეძვრა უკმაყოფილობის გრძნობა დიდი რევოლუციის შემდეგ. რევოლუციამ თავისი საქმე გააკეთა: ეკონომიური განვითარება ერთი საფეხურიდან მეორეში გადავიდა, სახელდობრ ფეოდალური წარმოება შეიცვალა ბურჟუაზიულ წარმოებათ, ერთმა კლასმა მეორეს დაუთმო პოლიტიკური და უფლებრივი ბატონობაც. ამას იდეათა რყევაც მოჰყვა. იმ რევოლუციისაგან ბევრი დიდ რამეს მოგლოდა, ევროპათ: დამკვიდრდებოდა „კაცთა შორის სიყვარული და სთნაობა“, ის მაღალ-აზროვანი სიტყვები: მშობა, ერთობა, თავისუფლება, რომლებიც მაშინ გაიხმოდა, ნამდვილათ მხოლოდ ბურჟუაზიული არისტოკრატის მარტაბით განხორციელდა, რის შემდეგ ბონაპარტეს რეაქციაც გამეფდა. ამიტომ აბსოლიუტური სამართლიანობის მიმდევარი მოაზროვნენი ვაბრუებულნი დარჩნენ და იმედი დაეკარგათ. ისინი მთლათ ჩაიკეტნენ საკუთარ „მე“-ში, პირადობაში და იქ დაიწყეს მიება ჰემშარიტებისა. ამ მოაზროვნეთა შორის პირველი ალავი ინგლისელ

ბაირონს უჭირავს. ბაირონის პესიმოზმის წარმოშობაზე, როგორც მისმა პირადმა, ისე შემთავრესათ ინგლისის, და ევროპის იმ დროინდელმა ეკონომიურმა და საზოგადოებრივმა მდგომარეობამ იქონია გავლენა.*) აგრეთვე ჩვენ კარგად ვიცით, რომ ბაირონი არისტოკრატულ კლასს ეკუთვნოდა, მაგრამ იგი ნათლათ ჰხედავდა, რომ ამ კლასში რეაქციონერობის მეტი არაფერი არ იყო და ისიც იძულებული იყო წასულიყო ამ კლასის წინააღმდეგ. მოვიგონათ მისი ბრძოლა მათთან (რეაქციონერებთან) კათოლიკეთა ემანსიპაციისათვის. მაგრამ იგი ბურჟუაზიული კლასის წინააღმდეგ იყო, მისი მშრალი ინტერესით, მისი მოუსვენარი ქალაქური ცხოვრებით; ბაირონს სსულდა ეს ბურჟუაზია, ეს საქარხნო ხმაური და ქალაქის ყრბამული, იგი მიიწრაფოდა ბუნების წილში, ის უფრო თანაუგრძობდა მუშათა კლასს, ვიდრე ამ ბურჟუაზიას (ეახსენეთ მისი პირველი სიტყვა ლორდათ პალატაში წარმოთქმული ნოტინგემელი მუშების დასაცავათ), მაგრამ მას თავისი სოციალური მდგომარეობის გამოისობით იმდენი ენერგია არ ჰქონდა, რომ საბოლოოთ და მთლიანათ დაყრდნობოდა მუშათა კლასს და ასე, მის პოლიტიკურ გამოურკვევლობას, უპროგრამობას კიდევ ზედ რომ დურთოთ პირადი უიღბლობა ცხოვრებაში, ჩვენ უკვე ამკარათ დავინახავთ, თუ საიდან წარმოსდგა ბაირონის, ამ სულით და გულით რევოლუციონერს, მოფლიო სევდა, მისი საკაცობრიო პესიმოზმი.***) ბაირონის მთელი ჰეზია მისი სულის ძახილია, მისი შემოქმედება აღამიანის სულიერი ორგანიზაციის სხვა და სხვა გამოხატულებათ, მისი მოუსვენარი სულის მუღმივ ახლის ძიება და არსებულის უკაყოფილებათ. აი ამ ცხოვრების უკმაყოფილობის და ახლის ძიების იდეამ ფრთა ვაშალა და მთელ ევროპას მოეძვრა: საფრანგეთში და გერმარიაში, რსპანისა თუ იტალიაში, რუსეთში თუ პოლონეთში ყველგან ჩათეთსა მისი თესლები. ჩვენში საუკეთესო გამომხატველი ამ დაუდგრომელი სულისა, ამ უკმაყოფილობისა და ახლის ძიებისა, ამ მაღალი აზრებისა არის ნ. ბარათაშვილი.

ბარათაშვილი არსებითად არ იცნობდა არც

*) იხ. П. Коганъ „Очерки зап.-европ. лит.“.

**) იხ. Прив.-доц. В. Фриче „Зап.-Европ. литература:—Байронъ“.

ბაირონს და არც სხვებს, მაგრამ იგი რაღაც შინაგანი ძალით დაენათესავა მათ, ავიდა იმ სინაღოგებში და მოგვცა საუცხოველ მარგალიტები, როგორც აზრის, ისე შინაგანი ძლიერების და ფორმის, ესთეტიური სილამაზის მხრივ. ბარათაშვილი ნიჭის, სიბრძნის და აზრის ერთი საუკეთესო ნატეხია. იგი იმითია ჩვენ ზელოვან ლიტერატურაში ძლიერი, რომ მასში ღრმად დაიკვნესა ადამიანის სულმა, მისგან გაისმა აზრიანი ძლიერი სიტყვა, მან პირველმა მოაშორა იმ შეაზნეულ დროში სუფრისა და საღვთაგანობის პოეზიას თვალი, ვასცილდა ამათ, გადალახა ყოველგვარი ზღუდეები და მოგვცა მშვენიერი მსოფლიო მოტივები, აგებული ადამიანის გონების, გრძნობის და ნებისყოფის სირთულეზე, ჩამოსხმული უფარესათ ლირიულ ჩაჩოში. ბარათაშვილიც უმთავრესათ ლირიკოსია და როგორც ასეთი, იგიც მრავალფეროვანი და მეტად მგრძობიარეა, ყოველი მისი სიტყვა გულის სიღრმიდან ამოკნესილი ძახილია. ჩვენში იშვიათია მასავით სპეტაკი და ძლიერი გრძნობის მქონე მგოსანი. მისი ლირიზმი უმთავრესათ ტრადიციულია. იგი ტანჯვისა და დაუსრულებელი ნაღვლიანი გრძნობის მატარებელი ადამიანია. მაგრამ საიდან წარმოსდგა ეს მისი ტრადიზმი, ეს პესნიმისტური და ნაღვლიან დადარდნაებელი გრძნობა მის პოეზიაში? რამ გახდა ჩვენი პოეტი „ქუთი ურწმუნო, გულითა უნდა, სულით მახერადი“!

(დასასრუდი იქნება).

არ. მეჭანარაშვილი.

აგრარულ რეფორმის გარშემო.

აგრარულ საკითხს რუსეთის რევოლუციისათვის განსაკუთრებული მნიშვნელობა ჰქონდა; ის, შეიძლება ითქვას, უმთავრესი ღერძი იყო, რომელზედაც რევოლუციის ტრიალებდა; რუსეთის რევოლუციონურ დემოკრატიის უმრავლესობა, გლეხობა—მხოლოდ ამ საკითხში ჰკრძობდა მწვავეთ, არსებულ საზოგადოებრივ წინააღმდეგობას, მისი უკმაყოფილება უმთავრესათ მიწის უსწორმასწორო განაწილებით იყო გამოწვეული. ამისთვის, რასაკერძეულია, აგრარულ საკითხის სწორ გადაჭრაზე იყო დამოკიდებული ბოლოს და ბოლოს რევოლუციის ბედ-ილაღი. მაგრამ ამ ძირითად საკითხს რუსეთის რევოლუ-

ციის მსგელობამ დედი-ნაცვლობა გაუწია; იგი სხვა და სხვა პოლიტიკურ და სოციალურ წინააღმდეგობებში იხლართებოდა და დროთა განმავლობაში გაუვალ ქსელში იქნა გაბმული. პირველ თვეებში, როცა დამფუძნებელი კრების იდეა ხალხში ძლიერი და ცხოველ-წყოფელი იყო, ცნადა, აგრარულ საკითხის გადაჭრა თვით ხალხს დამფუძნებელ კრებისათვის უნდა გადაეცა. და აი გლეხობაც ელოდა. აქა იქ თუ დაინთებოდა უკმაყოფილების ცეცხლი, მაგრამ საერთოდ ეს ლოდინი შეგნებული და წესრიგიანი იყო. როცა კი დამფუძნებელ კრების მოწვევას კითხვითი ნიშანი დაესვა, რომელიც დღით-დღე იზრდებოდა—გლეხობაშიც დაიბადა უკმაყოფილება, წესრიგი დაირღვა და ანარქია თანდათან ვაძლიერდა. და აი სახალხო კომისართა დეკრეტი, მათის აზრით, პანაცეა უნდა ყოფილიყო გლეხობისათვის; მაგრამ საერთო არეულობაში, პოლიტიკურ ბრძოლაში აგრარული საკითხის სასწრაფო გადაჭრამ მახინჯი ფორმები მიიღო; მით უფრო, რომ სახალხო კომისართა საბჭომ ვერ შესძლო ამ საკითხის გატარების გარშემო მოქნილი, მოძრავი და შეუფერ დონეზე მღვარი აპარატი აეშუშაებინა, რომელიც გლეხობის სტიქიურ მოძრაობას კალაპოტს მისცემდა და მწყობრ ფორმებათ ჩამოასხამდა. მიწები სხვა და სხვა მოხერხებით სოფლის მდიდრებმა, ჩარჩებმა, ევრ. წოდ. „კულაკებმა“ ჩაიგდეს ხელთ და ერთი პრობლემის მაგივრათ სოფელში რამდენიმე თავსატეხი პრობლემა შეიქმნა.

ასეთი იყო რუსეთში აგრარულ საკითხის ბედი. ყველაზე უფრო ამ საკითხში გამოაშკარავდა წინასწარ განზრახულ გეგმის და კონკრეტულ განვითარების, ოცნებისა და სინანდელის რევილუციის დროს შეუთანხმებლობა. არც ერთ აგრარულ პროგრამას არ ეღირსა ცხოვრებაში გატარება. ამ მხრივ მუშათა და აგრარულ საკითხს შორის ძირითადი განსხვავებაა. მუშათა საკითხი, გაცილებით უფრო ეგუება განზრახულ გეგმას, ანუ უკეთ რომ ესთქვათ, აქ შესაძლებელი ხდება ასეთი სახელმძღვანელო გეგმის ცხოვრების განვითარების სარკეში ამოკითხვა; ქალაქში უფრო სიჩინი განვითარების ტენდენციები, აქ უფრო მეტი სიმწყობრე და ორგანიზაცია არის. სოფელი ზანტათ მიიზღახნება წინ, თვით რევოლუციის დროსაც კი. ამასთან გლეხის მოუქნელი ბუნებაც ერთგვარ სფინქსივით სდგას ჩვენ წინაშე. აქ განზრახული გეგმა უფრო ნაძალადევი და პიროვნული ხდება, ვიდრე ობიექტიურ პირობებს შეფარდებული.

ამ მხრივ ამიერ-კავკასიაში შედარებით ჯერ კიდევ განსხვავებული მდგომარეობა არის. ანარქიის ცეცხლი და დემოკრატიის რახხებში არეულობა—აქეთ იმდენათ არ გაძლიერებულა, რომ ყოველგვარ რეფორმებზე ხელი აგვედლო. ასე რომ ჩვენში მიწის საკითხის გადაჭრას უფრო მწყობრი ხასიათი ექნება.

სიემი უკვე შეუდგა ამ საკითხის გარშემო მუშაობას და სულ მალე ხელს მოჰკიდებს მის პრაქტიკულად გადაჭრას. ამისთვის მეტი არ იქნება გავითვალისწინოთ, რა ფორმებში შეიძლება გადაიჭრას აქ მიწის საკითხი და

თვალი გადავავლოთ სხვა და სხვა პარტიის დღეს თი-
ოქმის მიღწევებულ აგრარულ პროგრამებს. ვიმეორებთ
ჯერ ამიერ-კავკასიაში ამ პროგრამებსა და პოლიტიკურ-
სოციალურ მდგომარეობის შორის ისეთი კონფლიქტი არ
მომხდარა, რომ ისინი უუფლებელ იქნან; აგრარულ პრო-
გრამებს მიწის რეფორმის პრაქტიკულათ გადაჭრაში აქ
არ დაუტარავთ თავისი ფასი და მნიშვნელობა.

აგრარულ საკითხის ვარშემო გაჩაღებულ პარტიულ
ბრძოლაში უმთავრესათ ორ ხაზს ვამჩნევთ: „ნაროდნი-
კულს“ და მარქსისტულს; მართალია მარქსისტებს შო-
რის არ ყოფილა გამომუშავებული ერთი მთლიანი აზრი
აგრარულ საკითხში, მაგრამ ჩვენ ამ შემთხვევაში სახეში
გვაქვს ოფიციალური პროგრამა სოც.-დემოკრატიისა.
ამიერ-კავკასიაშიაც მით უფრო ამ ორ პროგრამას აქვს
მნიშვნელობა: ერთი სოც.-რევოლუციონერების „სოცია-
ლიზაციას“, დანაქცაკანების და ს.-ფედერალისტების
მიერ მიღებულს და მეორე სოც.-დემოკრატების „მუნი-
ციპალიზაციას“. თუმცა აქ ადგილები იცვლება. რუსეთში
თუ პირველს ეჭირა უმთავრესი ადგილი და დამფუძნებელ
კრებაზე მეტი შანსები ჰქონდა, მეორე კი თითქმის მი-
ვიწყებული იყო, აქ მეორე არის უაღრესი, აქ მეორეს
აქვს უფრო ფესვები გადგმული.

საზოგადოთ ყოველ აგრარულ პროგრამას ჩვენ,
ს.-დემოკრატები ორი თვალსაზრისით უნდა მივუდგეთ:
ეკონომიური და პოლიტიკური მიზანშეწონილობის მხრივ.
აგრარული რეფორმა ერთის მხრით ხელს არ უნდა უშ-
ლიდეს საწარმოო ძალთა განვითარებას; სხვანაირათ
რომ ვსთქვათ არ უნდა ეწინააღმდეგებოდეს პროლეტა-
რიატის ინტერესებს, რადგან ეკონომიური განვითარება
და პროლეტარიატის ინტერესები, საერთოდ აღებულნი
ერთმანეთს არ ეწინააღმდეგებიან და პარზონაში არიან.
ამაში მდგომარეობს აგრარულ პროგრამის ეკონომიური
მიზანშეწონილობა. მეორეს მხრით აგრარული პროგრამის
განხორციელება უნდა განამტკიცებდეს დემოკრატიის რე-
რევოლუციონერ ერთობას, მას არ უნდა შეჰქონდეს არე-
დარევა დემოკრატიაში და კერძოთ არ უნდა იწვევდეს
გლეხების უკმაყოფილებას.

მიწის სოციალიზაცია არც ერთს ამ დებულებას არ
აკმაყოფილებს. მთელი მიწების კონფისკაცია, რომელიც
სოციალიზაციის აუცილებელ პირობას შეადგენს, თქმა
არ უნდა, დიდ ნაწილს გლეხობისას, წვრილ კერძო მე-
საკუთრებს, ამ ზომის წინააღმდეგ აამხედრებს და რეაქ-
ციის ტალღებში გადაისვრის. ამის დამამტკიცებელი ნიშ-
ნები—რუსეთის ცხოვრებაში უკვე სჩანდა: სოფლის კერ-
ძო მესაკუთრეთა სხვა და სხვა ყრილობებზე წვრილი
კერძო მესაკუთრე და ფეოდალი ერთმანეთს ხელს აძლევ-
დენ და ერთს კავშირში შედიოდნენ.

ამას გარდა სოციალიზაცია, ამ დაბრკოლებასაც
რომ გადალახავდეს, ეკონომიური თვალსაზრისით რეაქ-
ციონური და მასთან უტოპიური პროგრამა არის. ესერე-
ბის იდეალა: მიწის თანასწორ სარგებლობის დაწესება
და გლეხების ანაირათ ეკონომიურათ გათანასწორება—

როცა მის გვერდით ქალაქში კაპიტალისტური წარმოება
განავრძობს არსებობას—შეუძლებელი არის. ასეთი მიზა-
ნი მხოლოდ სოციალიზმს შეუძლია დაისახოს, მაშინ რო-
დესაც სოციალიზაციასა და სოციალიზმს შორის, რო-
გორც თვით ს.-რევოლუციონერები სამართლიანათ ამტ-
კიცებენ, მხოლოდ ფილოლოგიური მსგავსება თუ არის.
(იხ. Черновъ, „Социализация земли“). საქმე იმაშია, რომ
სოციალიზაცია მხოლოდ მიწების გათანასწორებას ჰგუ-
ლისხმობს, მაშინ როდესაც საწარმოო იარაღი და კაპი-
ტალი ისევე უთანასწოროთ იქნება დანაწილებული გლე-
ხებს შორის. დიდ ნაწილს გლეხობისას, ეგრ. წ. „ბატრა-
კებს“—ბოვანო გლეხებს, საწარმოო იარაღი და თანხა
სრულებით არ გაანაიათ, დანარჩენ გლეხობას კი, თუ
აქვს უთანასწოროთ და მეტ-ნაკლებობით; ასე რომ მიწის
სარგებლობის თანასწორობა თავისთავად ვერ სძობს
ეკონომიურ უთანასწორობას, პირიქით ეს უთანასწორობა
და კაპიტალისტური დიფერენციაცია დროთა განმავლო-
ბაში კიდევ უფრო გაღრმავდება და თვით მიწის სარგე-
ბლობის თანასწორობასაც დაარღვევს. ვინც მეტს თანხას
დააბანდებს წარმოებაში და კარგ საწარმოო იარაღით
სარგებლობს—იგი უფრო მეტ ნაყოფს მიიღებს. აქედან
ცხადია, რომ სოციალიზაცია ისეთ მიზანს ისახავს, რომ-
ლის ასასრულებლათ მას ძალა და საშუალება არა აქვს.
მას უნდა სოფლად კაპიტალიზმის, დაქირავებულ შრო-
მის და ეკონომიურ უთანასწორობის მოსპობა, მაშინ რო-
დესაც მხოლოდ მიწებით სარგებლობის გათანასწორება
ასეთ მიზანს ვერ მიაღწევს. ამისთვის დაქირავებულ შრო-
მის აკრძალვა რეაქციონური ზომაა და ამავე დროს
უტოპიურიც; თვით ბოვანო გლეხები, როცა თავის ნა-
ჭერ მიწას ვერაფერს მოუხერხებენ და დაქირავებულ
შრომანში მეტ სარფას დაინახავენ, მოითხოვენ მის ხელ-
ახლავ აღდგენას.

ასეთივე ძირითად წინააღმდეგობას ვხედავთ ჩვენ
სოციალიზაციის სხვა მხარეებში. ასე მაგ. გლეხებისათვის
მიწის ღარიგების დროს ს.-რევოლუციონერებს სახელ-
მძღვანელოთ ორი ნორმა აქვთ: მოთხოვნილების და შრო-
მის. (Потребительная и трудовая). მოთხოვნილების
ნორმის განსაზღვრა ყოვლად შეუძლებელი ხდება, რად-
გან შეუძლებელია გლეხის მოთხოვნილებების ჯერ გა-
მორკვევა და შემდეგ ამის მიხედვით მიწის მიზომვა. რას
ჩაუთვლით ჩვენ გლეხის მოთხოვნილებათ, იგი დღითი-
დღე იცვლება. მეორე, შრომის ნორმა კი თავის წიაღ-
შივე თავისივე წინააღმდეგობას ატარებს, ასე რომ გან-
ხორციელების უშალ სულ სხვა შედეგებს მოგვცემს, ვიდ-
რე ამას ს.-რ. მოელიან. ვისაც მეტი თანხა აქვს და უკე-
თესი საწარმოო იარაღი და მასთან მრავალრიცხოვანი
ოჯახი ცხადია იგი ვაცილებით მეტს მიწას დამუშავებს,
ვიდრე სხვა. ამისთვის ბოვანო გლეხისათვის ადვილად შე-
საძლებელია შრომის ნორმა ნულამდისაც დავიდეს, ამ-
ნაირათ მიწებით გათანასწორების მაგივრათ ჩვენ თავი-
დანვე უთანასწორობას მივიღებთ. (იხ. დაწვრილებით:
Валентиновъ, „Революция и агр. пр. с.-р.“).

ჩვენ აქ ადგილის უქონლობის გამო არ გამოვუდგებით სოციალიზაციის უარყოფით მხარეების დაწვრილებით ჩამოთვლას, მის დასახასიათებლათ უმთავრესის აღნიშვნაც საკმარისია. ამ პროგრამის განხორციელების შეუძლებლობა რუსეთის რევოლუციამ კიდევ უფრო ცხადათ გამოაჩინა. როცა კი ესერების ოცნება და მწარე სინამდვილე ერთმანეთს დაუპირდაპირდა, თვითონ ავტორნი დარწმუნდნენ თავის პროგრამის უსუსურობაში და შიგ ისეთი ცვლილებების შეტანა დაიწყეს, რომლებიც არსებითად სცვლიდნენ სოციალიზაციას. საილიუსტრაციოთ საკმარისია მოვიყვანოთ ზოგიერთი დებულებანი მიწის მთავარ კომისიის, პროექტისა, იმ კომისიის სადაც დიდი უმრავლესობა ს.-რ. იყვნენ. ამ პროექტით დაჭირავებული შრომა ჩივბა, მაგრამ ეს ცოტაა, მსხვილ მესაკუთრე გლეხებს კონფისკაციის შემდეგ ეძლევათ ორჯერ მეტი, ვიდრე საერთოთ, შრომის ნორმის მიხედვით, და ნარჩენებს, ამნაირათ ერთი ხელის მოსმით მთელი არსება სოციალიზაციისა მოსპობილ იქნა. (იხ. ИЗВѢСТІЯ Главн. Зем. Ком.).

თუ საზოგადოთ სოციალიზაციის განხორციელება შეუძლებელი და არა სასურველიც არის, ამიერ-კავკასიაში, სადაც საერთო მიწადმფლობელობა არ არსებობს და დიდი უმრავლესობა გლეხობისა კერძო მესაკუთრეა, იგი მით უფრო უაზრო ხდება. წვრილ მესაკუთრეებს მიწა არ უნდა ჩამოერთვას, თუ გვიხდა ისინი რევოლუციის შერჩხებს; უნდა იქნეს დაწყებული ერთგვარი ნორმა, რომლის ზევით მოხდება მიწების კონფისკაცია.

ვის უნდა გადაეცეს ეს მიწები, ან როგორ უნდა განაწილდეს ისინი? ან უმთავრესი საკითხი. მუხიციპალიზაციის დროს ეს მიწები უნდა გადაეცეს მსხვილ თვითმართველ ერთეულებს, მუხიციპალიტეტებს, რომლებმაც ისინი უნდა გასცეს იჯარით.

იჯარისათვის რასაკვირველია არავითარი მიწის კანაწილების წინასწარ-გაანზრახული ნორმები არ არსებობს, როგორც სოციალიზაციის დროს. ასეთი ნორმა ქვიზაზე არის აშენებული. მიწების განაწილება უნდა მოაღდეს იმის და მიხედვით, თუ რანდები ძიწაა, რანდენი მთხოველია და ვის არის მთხოველი, — ევრაიითაოი ნორმა აქ საქმეს ვერ უშველის. რასაკვირველია გლეხებს, უფრო კი უტიწაყსლო და ღარიბ გლეხებს, შეღავათი იეცემათ, შეიძლება მათ სრულიად, უიჯაროთ მიეცეს მიწა, ან მცირე იჯარით. სულ სხვა იეხება კაპიტალისტური იჯარა, რადგან კაპიტალისტურ წარმოებაში ცხადია რებტა მეტი აიღება; დაქირავებული შომა მუხიციპალიზაციის დროს აკრძალული აო აოის, მაგრამ მთელი ყურადღება მუხიციპალიტეტებში მოხუშავე დემოკრატიისა მითართული იქნება შომის პირობების გასაწმგობებსლათ, ამნაირათ გლეხებიც დაკმაყოფილებული იეხება, რანდენადაც ეს შესაძლებელი გახდება და ეკონომიურ განვითარებასაც გზა გაეხსება. ამასთან ერთად თან და თან მუხიციპალიტეტები შეისყიდნან კერძო პიეების მიწებს და კერძო საკუთრების ფანატისმიც ბუნე-

ბრივათ და უმტკიენელათ აღმოიფხვრება გლეხებში. მუხიციპალიური მსხვილი წარმოება თან და თან ფართოდება და საუქეთესო ნიადაგი მომზადდება სოციალიზმისათვის.

ამნაირათ სოციალისტურ პერსპექტივებიდან რომ გამოვიდეთ, მუხიციპალიზაცია საუქეთესო და მასთან ობიექტიურათ შესაძლებელი ზომა არის აკრარულ საკითხის გადასაქრელათ. მაგრამ ვი რომ ობიექტიურათ შესაძლებელი, იგი, სხვა და სხვა მიზეზების გამო — სუბიექტიურათ რუსეთში შეუძლებელი გახდა.

საერთოდ უნდა ითქვას, რომ რუსეთში მუხიციპალიზაციის თვით სოც.-დემოკრატიულ პარტიაშიც კი არ ეწვია ბელი. „მუხიციპალიზაციას, ამბობს ვალენტინოვი, ვერ ითვისებს სოც.-დემოკრატიული ინტელიგენცია, არ იზიარებს მუშათა კლასი და სრულებით უარყოფს გლეხობა“. (Валентиновъ. Пути рѣшенія агр. вопроса. გვ 6).

მუხიციპალიზაცია ძლიერ მუშათა კლასს და სოც.-დემოკრატიულ პარტიას, და მასთან შეგნებულ გლეხობას ჰეულისხმობს — ეს კი რუსეთში არ აღმოჩნდა.

მაგრამ ჩვენში, ამიერ-კავკასიაში, ამ მხრივ საქმე გაცილებით უფრო კარგათ არის. სოც.-დემოკრატიის ვავლენა აქ დიდია, ასე რომ მუხიციპალიზაციის განხორციელებას აქ მეტი შანსები აქვს. ყოველ შემთხვევაში ჩვენ მთელი ჩვენი ძალღონით უნდა შევეცადოთ მის ცხოვრებაში ვატარებას. აქვე უნდა აღინიშნოს, რომ შეიძლება აქ, ამიერ-კავკასიის სიმცირის გამო, მუხიციპალიზაციამ — ნაციონალიზაციის სახე მიიღო

თუ კი იგი ზოგიერთ ადგილებში ამიერ-კავკასიაშიც ვერ ვატარდა, მაგ. მუსულმანებით და სომხებით დასახლებულ ხაწილებში, სადაც ამისთვის ნიადაგი შეიძლება არ იყოს მზათ, ჩვენ არ უნდა შევეშინდეთ უკანასკნელ ზომას; ვიძიებთ გლეხებისადმი კერძო საკუთრებათ დარიგებას; ვიძიებთც ეს უკანასკნელი ზომას და დიდ პლიუსსაც წარმოადგავს, თუ კი მწყობრათ და ორგანიზაციულათ იქნა შესრულებული. მხოლოდ ყოველ შემთხვევაში უნდა ვცდილობდეთ რაც შეიძლება მეტი ჩამორთმეული მიწა გადავიდეს საერთო მფლობელობაში და ნაკლები კერძო საკუთრებათ.

მართალია მიწების წვრილ-წვრილ ნაქრებათ დაყოფა შედარებით მუხიციპალიზაციასთან მეტად უვარგისი ზომა არის. იგი გაამრავლებს კერძო საკუთრების ფანატისმით გაუღენილ წვრილ გლახობას, გააძნელებს წარმოების კონცენტრაციის და თვით გლეხებსაც ტანჯვაწვალებათ გადაექცევა, რადგან მიწას მიაკრავს და ხელფებს შეუკრავს. „წვრილი მიწათმფლობელობა დიდხანს განსაზღვრავს მეურნეობის ფორმას, ამბობს მასლოვი, მაშინ, როდესაც მიწათსარგებლობა მის არ განსაზღვრავს. ე. ი. თუ მიწა „სამუდამოთ“ ვაყოფილია, ამით რამოდენიმე ათეული წლით წინდაწინ განსაზღვრულია ფორმა წვრილ ჩამორჩენილ პარცელიარულ მეურნეობისა, რომელიც მემკვიდრეობის კანონის ძალით ალბათ კიდევ უფრო დაიყოფა. წინააღმდეგ შემთხვევაში კი, თუ ვინდ

ჩამორთმეულ მიწების წვრილი მიწათსარგებლობა აიღეთ, მეურნეობის ფორმა არ მავრდება“.

მიუხედავად ამისა, „გაყოფა“, ეკონომიურის თვალსაზრისით რეაქციონური ზომა მაინც არ არის. ამისთვის ჩვენ რომ მას მხარი დაუჭიროთ—ეს სრულებით არ იქნება სტიქიურ მოძრაობის ტალღებზე ფატალურათ მინდაობა. აგრარული საკითხის გადაჭრით ჩვენ ძველ ფეოდალურ წესწყობილებას ვარღვევთ, ამიტომ „გაყოფა“ მიწებისა აგრეთვე დარღვევა იქნება ფეოდალურ მიწათმფლობელობისა და ბურჟუაზიულ მიწათ-მფლობელობისათვის ნიადაგის ჩაყრა. ასე რომ, თუშეცა მუნიციპალიზაციასთან შედარებულთ იგი სუსტობს, მაგრამ საერთოდ აღებული მიწების კერძო საკუთრებათ დაყოფა სრულებით არ წარმოადგენს ეკონომიურათ რეაქციონურ ზომას.

დასასრულ უნდა აღინიშნოს, რომ აგრარული საკითხი მეტად რთული საკითხია და მით უფრო ამიერკავკასიაში, სადაც მრავალი ერია დასახლებული და ყოველი სოციალური კითხვა ნაციონალურ ხასიათს იღებს. ამისთვის იგი დიდი სიფრთხილითა და ადგილობრივ პირობებთან შეფარდებით უნდა იქნას გადაჭრილი. ყოველი უტოპიური ზომა კი და „აგრარული ბალშევიზმი“ აგრეთვე პარტიული ფანატიზმი და დოგმატიზმი უკუგდებულ უნდა იქნას. ამას მოითხოვს რევოლუციის კეთილად დაბოლოება.

—ა.—ი.

ანარქისტების მოქმედება და მარქსიზმი.

რუსეთის რევოლუციის მსვლელობაში ჩვენ ხშირათ ვხვდებით ორ ცნების დაპირდაპირებას, ანარქიზმის და სოციალიზმის. ამ ბოლო დროს ანარქისტულ იდეოლოგიამ ფესვები გაიდგა ფართო მასაში, კერძოდ პროლეტარიატში და ამის გამო ბალშევიზმი, რომელიც თავისი ტაქტიკით, უმთავრესათ, უახლოვდებოდა ანარქიზმს, თან და თან კარგავს თავის გავლენას უკიდურესათ წრეებში.

მაქსიმალიზმი, როგორც უაღრესი განვითარება ხალხის რევოლუციონურ სულისკვეთებისა, თანდაყოლილი თვისება ყოველივე დიად დემოკრატიულ მოძრაობისა, მაგრამ მასთან ერთად ის მხოლოდ შეუწყნებელია ხვედრია.

რალა ვასაკვირია ამიტომ ის ვარემოება, რომ რუსეთში ანარქისტების გავლენა ძლიერი იყო და არის.

რასი მდგომარეობს ანარქიზმი? რათ უპირდაპირებთ მას სოციალიზმის მოძღვრებას? რათ მიგვაჩინა ის მუშათა კლასის დამლუპვლელათ?

აი ამ კითხვებს რომ ვუპასუხოთ, საჭიროა მარქსისტულ თვალსაზრისით განვიხილოთ ანარქისტულ მოძღვრების უმთავრესი პრინციპები.

ანარქიზმში მრავალი მიმართულება არსებობს. თითქმის ყოველ ანარქისტს თავისი განსაკუთრებული თეორია აქვს. ეს არც არის საკვირველი, ვინაიდან ანარქისტები უაღრესი ეკლექტიკოსები და სუბიექტივისტები არიან.

მაგრამ ზოგადი დებულებანი წითელი ზოლივით არიან გატარებულნი თვითეულ ანარქისტის მოძღვრებაში და საერთოთ ანარქიზმის დამახასიათებელ თვისებებს შეადგენენ.

ანარქიზმის მიზანი, იდეალი, რომლისთვისაც არის აშენებული მთელი ფილოსოფიური მოძღვრება, მდგომარეობს ადამიანის პიროვნების სრულ თავისუფლებაში. „შეუზღუდელი, აბსოლუტური თავისუფლება ადამიანისა და მოქალაქისა—აი ჩვენი იდეალი“. ამბობს პრუდონი („Les confession d'un revolutionnaire“). „ჩვენ გამოვდივართ პიროვნების თავისუფლებიდან და შემდეგ კი თავისუფალ საზოგადოებისაკენ გადავდივართ“, „გააკეთე, რაც გსურს, გააკეთე, როგორც გსურს“, „ჩვენ მხოლოდ რჩევას მოვცემთ, მასთან დაფუძნებთ, რომ ეს რჩევა შენთვის იმდენათ იქნება ძვირფასი, რამდენათაც შენ თვითონ დარწმუნდები მის საჭიროებაში“, „საზოგადოებას არ შეუძლია დასაჯოს რომელიმე ადამიანი, რანაირი დანაშაულიც არ უნდა მიუძღოდეს მას ამ საზოგადოების წინაშე“—ასე მოგვითხრობს ცნობილი ანარქისტი მ. კროპოტკინი. („Завоевание хана“, „Черное Знамя“).

მაქს შტირნერმა ეს იდეა უმაღლეს წერტილამდე მიიყვანა. მისთვის პირადი ბედნიერება—უმაღლესი, უკეთილშობილესი კანონია. მოუხმინოთ მას: „ადამიანური. თუ არა, ლიბერალურია თუ არა ლიბერალური (ე. ი. ის, რასაც თვითონ აკეთებს. მ. ხ.), ყველაფერი ეს კარგი და მისაღებია, თუ კი ამგვარი მოქმედება ჩემს მიზანს მიმდევრებებს და მე დამაკმაყოფილებს“. მას სძულს მორალი, სამართალი, რელიგია—ვინაიდან ეს უკანასკნელნი ახშობენ პიროვნების თავისუფლებას. უპირველესი მიზანი კი—პიროვნების თავისუფლება ყველგან და ყოველთვის; ამას ყოველი ანარქისტი აღიარებს.

მართლაც, თავისუფლებაზე უდიდესი ბედნიერება არაფერი არ არსებობს. პიროვნების და კაცობრიობის განათვისუფლება—ხომ სოციალიზმის იდეალსაც შეიცავს. მაგრამ სოციალიზმი, მარქსიზმი ისტორიულათ იკვლევს პიროვნების თავისუფლების პრობლემას და შემდეგ ამისა იმ დასკვნამდე მიდის, რომ პიროვნების თავისუფლება, მისი აუცილებლობა და საჭიროება დამოკიდებულია ამა თუ იმ სოციალურ წესწყობილებაზე, პირველყოფილ კომუნისტურ საზოგადოებაში, სადაც თემი იყო გამეფებული და წარმოებას საზოგადოებრივი ხასიათი ჰქონდა, ინდივიდუალიზმისათვის არ იყო ადგილი; ბრძოლა არსესებობისათვის ითხოვდა, რომ პიროვნება სრულიად დამორჩილებოდა ოჯახს, თემს. ეს მოვლენა—აუცილებლობის ნაყოფი იყო.

ფეოდალიზმის დროს—პიროვნების თავისუფლების იდეალის მატარებელს გაბატონებული ფეოდალთა კლასი

შეადგენდა. თავადი მიისწრაფოდა თავისუფლებისაკენ, მას უნდოდა სრული დამოუკიდებლობა მოეპოვა, ამას მოითხოვდა ფეოდალის მატერიალური ინტერესი. პირიქით გლახი ამგვარ წესწყობილებაში იძულებული იყო თავადისათვის ემუშავა, მას რომ პიროვნების სრული დამოუკიდებლობა მოეთხოვა იმ დროს, „უნდა შიმშილით მომკვდარიყო“.—სამართლიანათ შენიშნავს ნ. ჟორდანიძე.

ფეოდალიზმი შეიცვალა კაპიტალისტურ წესწყობილებათ. ახალი ერა—კერძო ადამიანის ინიციატივისა და თვითმოქმედების ასპარეზი შეიქნა. პიროვნების თავისუფლების მოთხოვნილება მთელი თავისი სიძლიერით წარმოსდგა იმ კლასის წინაშე, რომელიც მიისწრაფოდა გამდიდრებისაკენ. ეს კლასია—ბურჟუაზია. ბურჟუაზიამ შექმნა თავისი იდეოლოგია, რომელსაც საფუძვლათ დაედვა პირადი თავისუფლების პრინციპი. Laissez faire—laissez passer—*) აი ბურჟუაზიულ ლიბერალიზმის მთავარი მოთხოვნილება. სწორეთ ამ ნიადაგზე აღორძინდა უკიდურესი ინდივიდუალიზმი და მასთან ერთათ ანარქიზმიც. ეს რომ ასე არის, პრუდონის შემდეგ სიტყვებიდან დავინახავთ: „აი ჩვენი სისტემა—სინიდისის, პრესის, შრომის, გაჭრობის, კონკურენციის და სხვ. თავისუფლება... თავისუფლება აბსოლუტური, თავისუფლება ყველგან და ყოველთვის. ეს არის 1789 და 1793 წლის სისტემა, სისტემა კენეს, ტიურგოს და ჟანბაპტისტისა“...

მაგრამ დროთა მსვლელობაში გამოიკვეთა, რომ თავისუფალ კონკურენციის სისტემა, პრუდონის მიერ ქებაშესხმული, თურმე კაპიტალისტის თავისუფლება ყოფილა, რომელიც თავისუფლათ და მასთან ერთათ შეუზღალბლათ ყველეს მუშათა კლასს. ამ ნიადაგზე აღმოცენდა მუშათა მოძრაობა, ბურჟუაზიულ ლიბერალიზმის წინააღმდეგ მიმართული. მუშათა კლასი დღესაც განაგრძობს ბრძოლას, ამის გამო ბურჟუაზიის თავისუფლებას ფრთა ეკვეცება; ის იძულებულია ბევრი რამ დაუთმოს თავის კლასიურ მოწინააღმდეგეს.

ბრძოლა რომ უფრო ნაყოფიერი იყოს, პროლეტარიატი ქმნის ძლიერ ორგანიზაციას და კერძო პიროვნებას აიძულებს განსაზღვრულ დისციპლინას დაუმორჩილდეს. უმცირესობა უმრავლესობას ემორჩილება. ამგვარათ პროლეტარიატის სოციალური მორალი სრულიად ვერ ურიგდება ბურჟუაზიულ ინდივიდუალიზმს.

თანამედროვე ანარქიზმი კი, რომელიც თავის მამამთავრათ პრუდონს აღიარებს, მიუხედავათ იმისა, რომ ის სასტიკათ აკრიტიკებს ბურჟუაზიულ წყობილებას, სწორეთ ამ ბურჟუაზიულ წყობილებაზე აღორძინებულ ლიბერალიზმის პირიშოა ფიქლია.

ეს ჩვენთვის უფრო ნათელი იქნება მაშინ, როდესაც გავარკვევთ, რას ებრძვის უმთავრესათ ანარქიზმი, რა გვარ საზოგადოებრივ წესწყობილებისაკენ მიისწრაფის ის.

*) „მომეცით საშვალბა თავისუფლათ ვიმოქმედო, თავისუფლათ ვიარო“ (დაახლოვებთ მ. ბ.).

მეცნიერული სოციალიზმი პოლიტიკურ წყობილების საფუძველს ეკონომიურ ურთიერთობაში ხედავს. მართალია, თვით პოლიტიკას, როგორც ერთ-ერთ „ხედნაშენს“ დიდი გავლენა აქვს ეკონომიურ საფუძველზე, მაგრამ მას მაინც არ ძალუძს ეს საფუძველი რადიკალურათ გარდაქმნას.

სულ სხვანაირათ მსჯელობენ ანარქისტები. პრუდონის აზრით, სოციალური წყობილება—პოლიტიკური წყობილების, სახელმწიფოს ნაყოფია.

მაღატეტას ნაწერებში („Ч. ЗНАМЯ“) ასეთ აზრებულ აზრს შეხედებით: „**მთავრობა**, რომელიც რამოდენიმე პირისაგან შესდგება—აიძულებს თვითუფლად ამიანს (მოქალაქეს) შეასრულოს კანონი, ქმნის ხალხისაგან განცალკევებულ და პრივილეგიებით აღჭურვილ კლასს“. ყოველგვარ ბოროტების მიზეზათ ანარქიზმის მიერ პოლიტიკური ძალა, სახელმწიფო არის გამოცხადებული. მოსპეთ სახელმწიფო და აღარ იქნება ეკონომიური მონობა, არც სხვა რაიმე ბოროტება საზოგადოებაში.

მთელი სიძულელი, მთელი კრიტიკული ენერგია ანარქიზმისა მიმართულია სახელმწიფოს წინააღმდეგ, რა ნაირ ფორმისაც არ უნდა იყოს იგი. „ჩვენ მთელი ჩვენი არსებით გვძლს მონარქია, მაგრამ ჩვენ მასთან ერთათ ღრმათ ვართ დარწმუნებულნი, რომ რესპუბლიკაც კი ვერ შესძლებს თავის ქვეშევრდომთა ბედნიერებასა და თავისუფლებას უზრუნველყოფას“. *) (ბაკუნინი) „ისეთ დემოკრატიულ ქვეყნებშიაც კი, როგორც არის ჩრდილოეთ ამერიკის შტატები და შვეიცარია, ძლიერაზისილი უმცირესობა ბატონობს დიდ უმრავლესობაზე“.

სოციალ-დემოკრატების თვალსაზრისით, დემოკრატიული სახელმწიფოებრივი წყობილება ოთხ ფორმულიან საარჩევნო სისტემით—უძლიერესი იარაღია პროლეტარიატის ხელში, რომლის საშვალბებით ის აძლიერებს სოციალისტურ პროპაგანდას და მუშათა ორგანიზაციებს.

ანარქისტები კი ებრძვიან, როგორც ბიუროკრატიულ, ისე უაღრესათ დემოკრატიულ სახელმწიფოსაც. „დემოკრატია—უსაზღვროთ გაფართოვებული სახელმწიფოა“ „დემოკრატია—ბრბოს მთავრობაა“, „ჩვენი მიზანია—მოესპოთ დემოკრატია ისე, როგორც მოესპეთ მონარქია. თავისუფლება ვერ თავსდება დემოკრატიაში“... (პრუდონი) მაგრამ, თუ უარყოფთ წარმომადგენლობის სისტემას, როგორღა უნდა გადასწყდეს საერთო კითხვებში ცხოვრების სინამდვილემ აიძულა ანარქისტები რამოდენიმეთ მაინც მიელოთ დღევგაციის პრინციპი. „100—200 კაცი, რომელნიც ერთათ მუშაობენ და ერთმანეთს კარგათ იცნობენ, რაიმე კითხვის გამო მსჯელობენ ერთათ და მიდიან განსაზღვრულ დასკვნამდე. შემდეგ ისინი ირჩევენ თავიანთ წრიდან დღევგატებს, რომელნიც სხვა დღევგატებთან ერთათ გამართავენ მოლაპარაკებას“. ამორჩეულ დღევგატს მხოლოდ იმპერატიული მანდატი აქვს, მას მხოლოდ მოლაპარაკება შეუძლია,

*) Мпльбахеръ.— Анархизмъ.

საკითხს კი ისევე მისი ამომრჩეველები (200—300 კაცი) სწყვეტენ. რა თქმა უნდა ასეთი სისტემა გამოსადევარია პატარა სოფლის საზოგადოებაში და სრულიად შეუფერებელია თანამედროვე რთულ სახელმწიფოში და საერთაშორისო ურთიერთობაში.

ასეთი სიძულვილი სახელმწიფოსადმი გამოწვეულია უმთავრესათ იმ მოსახრებით, რომ სახელმწიფო ზღუდავს ბიროვნების თავისუფლებას, ანარქისტებისათვის კი პიროვნების სრული ავტონომია—უპირველესი პირობაა, *conditio sine qua non*. რას გვაძლევს ანარქიზმი მის მიერ დანგრეულ სახელმწიფოს ნაცვლათ?

„როდესაც ჩვენ სახელმწიფოს ნგრევას ვცდილობთ, ჩვენ მივისწრაფით იმისკენ, რომ შევასუსტოთ და იმდენათ დავანაწილოთ, როგორც ტერიტორიალურათ, ისე ფუნქციონალურათ პოლიტიკური ძალაუფლება, რომ ბოლოს და ბოლოს იგი სრულიად მოისპოს.“—ამბობს **კროპოტკინი** („Хлебъ и вода“). ამიტომ სრული პოლიტიკური დეცენტრალიზაცია, ავტონომია თვითეულ პროვინციის, ქალაქის, სოფლის და შემდეგ ამ ავტონომიურ ერთეულთა თავისუფალი შეერთება ფედერაციის პრინციპის საშვალდებით—აი ანარქისტული გეგმა. *) „აუცილებელია აღვადგინოთ მსკოვი და ნოვეგოროდი, მაგრამ ისე, რომ თვითეული სოფელი, თვითეული პროვინცია მსკოვს და ნოვეგოროდს წარმოადგენდეს“. (*ibidem*).

ცენტრალიზმის და დეცენტრალიზაციის საკითხს მარქსიზმი სულ სხვანაირათ სწყვეტს. ჩვენი შეხედულებით, თანამედროვე პოლიტიკური ცენტრალიზმი კაპიტალისტურ წყობილებას მიერ არის გამოწვეული. დღეს ვაჭრობა-მრეწველობა განსაზღვრულ ცენტრებში ძლიერდება, სადაც თავს იყრის მთელი ერის ცხოველყოფელი ძალები; ამ ცენტრში მოთავსებულია ეკონომიურ და კულტურულ ცხოვრების დედა-მარდი. აშკარაა, ეკონომიური ცენტრალიზაცია პოლიტიკურ ცენტრალიზაციას მოასწავებს. ამას ითხოვს საზოგადოებრივი განვითარების ლოიკა. ვინც კი ამ ლოიკას ებრძვის, რა თქმა უნდა ის დონ-კიხოტის მოღვაწეობას ეწევა.

ანარქისტების პოლიტიკური მოძღვრება, რომელიც უარეს დეცენტრალიზმის პრინციპებზე არის აშენებული, ლოიკურათ გამომდინარეობს მათ სოციალურ-ეკონომიურ გეგმიდან. რანაირია ანარქისტების სოციალურ-ეკონომიური იდეალი?

პრუდონი უარყოფს თანამედროვე ეკონომიურ წყობილებას, მაგრამ ის ბოროტებას კაპიტალისტურ წარმოებაში და კერძო საკუთრებაში კი არ ხედავს, არამედ იმაში, რომ ქონება უთანასწოროთ არის განაწილებული. „ჩვენ გვინდა,—ქონებათა გათანასწორება (*nivellement*), რამდენათაც ის იქნება თანასწორ გაცვლის, (*ბმჩჩჩ*), ურთიერთ თანხმობის და დახმარების შედეგი“... „სოციალიზმი, ამ სიტყვის საუკეთესო შინაარსით, ნიშნავს ვაჭ-

*) შეადარეთ ამ გეგმას ლენინის „საბჭოთა ფედერაცია“.

რობა-მრეწველობის თავისუფლებას, ურთიერთ დახმავას, კრედიტს, უზრუნველყოფას თანასწორ ქონებით, მუშის მონაწილეობას მწარმოებელის მოგებაში (*sic! მ. ხ.*) და სხვა და სხვა.

აქედან ცხადია, პრუდონი არ ეწინააღმდეგება კერძო საკუთრების პრინციპს, მას მხოლოდ საკუთრების თანამედროვე ფორმა არა სწამს, ე. ი. ერთი მხრით მსხვილი კაპიტალი და მეორე მხრით სრული სიღატაკე. მისი იდეალი—ინდივიდუალური დამოუკიდებელი წარმოებაა, რაც საესებით შეეხმატებილება წვრილ ბურჟუაზიის სულისკვეთებას.

ამ წვრილ-ბურჟუაზიულ იდეოლოგიას არ გაცდილებია არც ჩვენი დროის ანარქისტ-კომუნისტების თეორია. **პ. კრამოტკინს** ასე მარტივით აქვს წარმოდგენილი ანარქისტული წყობილება: მთელი ხალხი პატარა-პატარა თემებთ არის დაყოფილი, თვითეულ თემს ეძლევა საკუთრებათ საწარმოეო იარაღები. გლეხების თემი მიიღებს მიწას, ქარხნის მუშები—ქარხანას, რკინის გზის მუშები—რკინის გზას და სხვა. ყოველი ასეთი თემი, **კომუნა** თავისუფალი და დამოუკიდებელია. კომუნებს შეუძლიათ ერთმანეთს შეუერთდნენ თავისუფალ კავშირში არა სხვაგვარად ხელშეკრულობის ძალით. კომუნის წევრები თავისი სურვილით არიან კომუნაში, ოფიციალურათ მათ ნებისყოფას არავინ არ ზღუდავს.

ამგვარი გეგმა მარქსისტებს წვრილ ბურჟუაზიულ ხასიათის უტოპიათ მიაჩნიათ. ანარქისტები ვერ ხედავენ, ან და უკეთესათ რომ ვსთქვათ, მათ არ უნდათ დაიხანონ თანამედროვე ხანის უხარმაზარი კაპიტალისტური მექანიზმი, ამიტომ ისინი ასე ადვილათ თხზავენ სხვა და სხვა ფანტასტურ პროექტებს იმის შესახებ, თუ როგორ უნდა შეიცვალოს რთული კაპიტალისტური წარმოება წვრილ ინდივიდუალურ წარმოებათ. დამოუკიდებელი წვრილი მეურნეობა—ზომ იგივე პრუდონის წვრილ მესაკუთრის იდეალია.

მარქსიზმი, წინააღმდეგ ანარქისტულ მოძღვრებისა, სოციალისტურ წარმოების იდეალს ისახავს. თანამედროვე მსხვილი წარმოება არ დასაწილდება, რთული ტექნიკური აპარატი კი არ დაიშლება, პირიქით უფრო გაფართოვდება, მოისპობა მხოლოდ კერძო საკუთრება. საწარმოეო იარაღთა განსაზოგადოებრივობა—აი სოციალიზმის მთავარი პრინციპი. მიუხაღ წყობილების დროს თვითეულ საშვალდება მიეცემა იზრომოს, ვინაიდან საწარმოეო აპარატი—საერთო საკუთრებას შეადგენს. შრომის ნაყოფი—კი მუშის პირადა საკუთრება იქნება, რომლიდან პატარა ნაწილი საზოგადოების საკიროებათათვის გადაიღება. ამ იდეალის განხორციელება შესაძლო იქნება მხოლოდ მაშინ, როდესაც ამისათვის სათანადო ეკონომიური პირობები მომზადდება; სოციალური რეგოლოცია მხოლოდ მაშინ შესძლებს გამარჯვებას. დღეს-დღეომით კი სოციალისტურ პროლეტარიატის მოვალეობას შეადგენს ამ ობიექტურ პროცესის დაჩქარება და გაფართოება, მუშათა კლასის მდგომარეობის გაუმჯობე-

სობა ეკონომიურ და პოლიტიკურ ბრძოლის საშვავლებით. ბრძოლა რეფორმებისათვის, სამუშაო დღის შემცირებისათვის და ხელფასის მომატებისათვის, სოციალისტური პროპაგანდა, მუშათა შეკავშირება—აი სოციალისტურ პარტიის ყოველდღიური მუშაობის შინაარსი.

ანარქისტები კი ასეთ ზომიერებას ვერ ურიგდებიან. უნდა სიმართლე ვაღვიაროთ, ანარქისტები უკომპრომისო და ენტუზიაზმით სასე მებრძოლნი არიან; ისინი მოუწოდებენ ხალხს დღესვე მოახდინონ სოციალური რევოლუცია. „უზოკლესი გზა ორ წერტილს შორის— პირდაპირი ხაზია. ერთი წერტილი—დღევანდელი წყობილება, მეორე კი—ანარქია“. (კროპოტკინი). „ჩვენ გვინდა ბუნტი.მე-70-თან წლებში ბაკუნინიც ქადაგებდა ბუნტს. სოციალისტები სცილობდნენ გაეტარებით ეს იდეა ცხოვრებაში, მაგრამ **მათ ვერ შესძლეს** გამოეწვიათ აჯანყება და სოციალური რევოლუცია“. (კროპოტკ.) მსცოვან ანარქისტის სიტყვებიდან ნათელია, რომ სოციალური რევოლუცია შესაძლებელია დღესვე, ეკონომიური პირობები მას ვერ შეაჩერებს. საქირა მხოლოდ მიხეიბრებული რევოლუციონერები, ერთი კარგი აჯანყება და მეტი არაფერი. Action directe—ანარქისტულ ტაქტიკის უმთავრესი პრინციპია.

ასეთი ტაქტიკა ბალშევიკებმაც შეითვისეს; მათ შეიარაღებულ აჯანყების საშვავლებით უნდადათ სოციალისტური წყობილება დაეარსებინათ ნახევრათ ფეოდალურ რუსეთში. ანარქო-ბალშევიკურმა ტაქტიკამ დალუპა რუსეთი. საფულისხმიერა, რომ პეტრე კროპოტკინი, რომლის სიტყვები ჩვენ ასე ხშირათ მოგვყავდა, რუსეთის რევოლუციის განმავლობაში თავის შეხედულებებით თითქმის ყოველთვის კადეტების პოზიციასზე იდგა. მისი ანარქისტული იდეოლოგია, ილიუზიებით სასე; მან ვერ გამოიყენა. მას სძულს ლენინი. რატომ? იმიტომ, რომ ლენინი დაუახლოვდა ანარქისტებს და კერძოთ „ანარქის“ ავტორს, პეტრე კროპოტკინს?

კროპოტკინის მავალითი ნათლათ ამტკიცებს, თუ რა აქვს საერთო ანარქიზმის მოძღვრებას რეალურ ცხოვრებასთან!

ვაი ისეთ პოლიტიკოსს, რომელიც უღმობელ სინამდვილის მიერ დაყენებულ კითხვებს თეორიულ ილიუზიებით უპასუხებს.

მ. ხუნდაძე.

კოოპერაცია და ქართველი ს.-ფედერალისტები.

VII.

საწარმოო კოოპერატივები სოფლის მეურნეობაში.

წინა წერილებში ჩამოთვლილი ყველა დაბრკოლებანი, რომელნიც უნდა გადალახონ საწარმოო კოოპერატივებმა, ეხებიან სასოფლო-სამეურნეო კოოპერაციასაც. განსხვავება მხოლოდ იმაში მდგომარეობს, რომ ეს დაბრკოლებანი სოფელსა და ქალაქში მეტ-ნაკლებობით იჩენენ თავს. მაგ., პირველი დაბრკოლება—თანხის სიმცირე—დღეს დღეობით ქალაქში უფრო მწვავე და საბედისწერაა, ვინემ სოფლათ. სოფლის მეურნეობაში დღეს შედარებით ნაკლები თანხაა საჭირო, ვიდრე ინდუსტრიაში; ამასთანავე კაპიტალიზმი ჯერ სოფლათ არაა სათანადოთ ფეხმოდგმული და განვითარებული, ყველა ეს კი სოფლის მეურნეთ შეძლებას აძლევს **შედარებით** ნაკლები თანხით და „რისკით“ მოაწყონ საწარმოო კოოპერატივები.

სამაგიეროთ მეორე და მესამე დაბრკოლება—წვერთა კომერციული უვიცობა და უდისციპლინობა—სოფლათ უფრო ძლიერია, ვინემ ქალაქათ. ქალაქის მუშა თავის შეგნება-განვითარებით გაცილებით მალლა სდგას სოფლის მუშაზე; მას ადვილათ შეუძლია შეიგნოს კოოპერაციის დიადი მნიშვნელობა. საქმის ხელმძღვანელთაც ქალაქის მუშები გაცილებით ადვილათ იზოგნიან, ვინემ სოფლის მუშები.

ამრიგათ ზემოაღნიშნული სამი უმთავრესი დაბრკოლება **ბოლოს და ბოლოს** ერთნაირათ ეხება როგორც ქალაქის, ისე სოფლის საწარმოო კოოპერატივებს. ამიტომ უკანასკნელთ სოფლათ ისეთივე ბედი უნდა ჰქონდეთ, როგორც ქალაქში... ერთი შეხედვით ჩვენ ვხვდებით სოფლათ თითქოს სრულიად წინააღმდეგს. თუ საწარმოო კოოპერატივები ქალაქებში, როგორც ეს ზემოთ ვნახეთ, მუდამ მარცხდებიან და თანდათან ქრებიან, სოფლათ ისინი გასაოცარი ტემპით მიდიან წინ, ვითარდებიან. დასავლეთ ევროპის სახელმწიფოებში საწარმოო კოოპერატივთა რიცხვი დღეს ათასობით ითვლება.

ეს გარემოება ძლიერ ადიდგულებს მარქსიზმის

კრიტიკოსებს, რევიზიონისტებიდან დაწყებული სხვა და სხვა ჯურის უტოპისტ-სოციალისტებამდე; ისინი აქ ხელავენ მარქსიზმის „საშინელ ვაკოტრებას“. მართალია ეს?—ენახოთ! ჯერ ერთი, რომ საწარმოო კოოპერატივთა ზრდას სოფლათ როგორც ზემოთაც მოვიხსენიეთ ხელს უწყობს, კაპიტალიზმის განუფითარებლობა. მაგრამ ეს პირობა არაა გარდაუვალი რამ. საფინანსო კაპიტალის მეფეებს სოფელი რეზერვში აქვთ ჩარიცხული და ვერავითარ „სამართლიანობის პრინციპებით“ ვერ შეაჩერებენ მათ მსვლელობას სოფლისკენ უტოპისტ-სოციალისტები.

მეორე უფრო საყურადღებო გარემოება, რომელსაც გვერდს უვლიან უტოპისტ-სოციალისტები, გამოიხატება იმაში, რომ ისინი მხედველობაში იღებენ სოფლის საწარმოო კოოპერატივთა მხოლოდ მშრალ ციფრებს, რიცხვს. ამ ციფრების ყოველმხრივ ანალიზს კი ისინი გაუბრძანებენ; ეს ბუნებრივია, ვინაიდან წინააღმდეგო, თავისივე ხელით თავის ყელის გამოჭრა იქნებოდა. მაშ ჩვენ თვითონ შეუღვით ამ საქმეს!

პირველი, რაც თქვენ ყურადღებას იპყრობს ამ ანალიზის დროს, ის ფრიად საგულისხმებოა გარემოებაა, რომ არსად სოფლათ, როგორც რუსეთში, ისე დასავლეთ ევროპაში, ჩვენ ვერ ვხვდებით **დამოუკიდებელ და წმინდა ტიპის საწარმოო კოოპერატივებს.**

განვიხილოთ ცალკ-ცალკე ეს ორი ფრიად საყურადღებო მოვლენა: 1) დამოუკიდებლობის უქონლობა და 2) შრომის პრინციპების მივიწყება.

1)—დამოუკიდებლობის უქონლობა — გამოიხატება იმაში, რომ საწარმოო კოოპერატივს არ შეუძლია თავის საკუთარი ძალით, დაუნმარებლათ აწარმოოს საქმე... წინააღმდეგ შემთხვევაში ის უთუოდ მსხვერპლი გახდება მსხვილი კაპიტალის კონკურენტისა. და მართლაც ჩვენ ვხედავთ, რომ სადაც კი ფეხმოდგმულია საწარმოო კოოპერატივები, ისინი ძლიერ დავალებულია მთავრობათა და კერძო პირთა დახმარებით. ამ მოვლენას ადგილი ყველგან აქვს, როგორც რუსეთში, ისე მთელ დასავლეთ ევროპაში; ამას ერთნაირათ ამტკიცებენ, როგორც **ტოტომიანცი** (Сельско-хозяйственная кооперация), ისე **ტუგან-ბარანოვსკი** (Соц. основны кооперации). ამ მხრივ, **ტოტომიანცის** მოწმობით, გამონაკლის წარმოადგენს მხოლოდ დანია,

სადაც საწარმოო კოოპერატივები განვითარდნ მთავრობის დაუნმარებლათ. *).

მთავრობის და კერძო პირთა დახმარება მეტათ დამაფიქრებელია საწარმოო კოოპერატივთათვის. როდესაც სოფლათ შეიქრება მსხვილი კერძო კაპიტალი და შეეჯახება კოოპერაციას, აი სწორეთ ამ საბედისწერო მომენტში უკანასკნელს ვეღარ უშველის ვერც მთავრობა და ვერც კერძო პირები.

ვინ გაუბედავს ურჩობას სხვილ კაპიტალისტებს, საფინანსო კაპიტალის კაროლებს! ქვეყნის მთელი კაპიტალიც და მთავრობაც მათია; ეს უკანასკნელი ხომ, როგორც მარქსი იტყოდა ხოლმე, ფინანსისტთა უბრალო აღმასრულებელი კომიტოტია!

გაცილებით უფრო სანუგეშოა დამოკიდებულების მეორე სახე — მომხმარებელ კოოპერატივებთან დაკავშირება. ეს უკანასკნელი ახასიათებს ყველა დღემდე არსებულ სოფლის საწარმოო კოოპერატივებს. ავიღოთ რამოდენიმე მაგალითი.

მეღვინეთა ამხანაგობანი **საფრანგეთში** აღორძინდენ სწორეთ იქაურ მომხმარებელ კოოპერატივთა წყალობით. სამხრეთ საფრანგეთის მეღვინეთა საწარმოო კოოპერატივთათვის, მაგ. — **მაროსანის** ამხანაგობისათვის, მომხმარებელ კოოპერატივებს (პარიზის და სხვ.) რომ არ გაეწიათ დახმარება, როგორც საქრლის გასაღებით ისე ფულით, ისინი, როგორც ამას **ტოტომიანციც** მოწმობს, ვერ აღორძინდებოდენ. **).

მაროსანის ამხანაგობის წესდების მე-5 მუხლში პირდაპირ აღნიშნულია, რომ მომხმარებელ კოოპერატივებს, რომელნიც ამ ამხანაგობისაგან ყიდულობენ ღვინოს, ნება აქვთ, როდესაც სურთ, მას კანტროლი გაუკეთონ, თუ რამდენათ სწორია მისი ოპერაციები და შინაგანი ორგანიზაცია. ***)) ახალი წესდების ძალით კი საწარმოო კოოპერატივის ყოველი წევრი ვალდებულია იყოს მომხმარებელ კოოპერატივის წევრთაც. ****)) **ბესანის** კოოპერატივთა შესახებ **ტოტომიანცი** სწერდა: „...უცილოა, რომ მომხმარებელ კოოპერატივების დახმარება მათაც ფეხზე დააყენებს“. ****)) და სხვა. ასეთსავე დამოკიდებულებაშია საფრანგეთის მეპურეთა საწარ-

*) Тотомянцъ, Сельско-хозяйств. кооперация, 1908 წ. გვ. 161. **) ibid., გვ. 42—3. ***) ib., გვ. 44. ****) ib., 44. *****) ib., გვ. 53.

მოო ამხანაგობანი ადგილობრივ მომხმარებელ კოოპერატივებთან. ფაქტურათ ისინი უკვე შეერთებული არიან. *)). ავიღოთ მერძვეთა (ყველის და ერბო-კარაქის მკეთებელი) ამხანაგობანი სოფლათ. ამათაც ძლიერ მჭიდრო კავშირი აქვთ მომხმარებელ კოოპერატივებთან, რომელნიც მათ უსაღებენ, მცირე გამოიხალოთ, თითქმის მთელ ნაწარმოებს. ასეთ ურთიერთობას ჩვენ ვხვდებით ბელგიაში, შვეიცარიაში, დანიაში (ნაწილობრივ), გერმანიაში, იტალიაში და სხვ. **).

მომხმარებელ კოოპერატივებს უკავშირდებიან, ასე გასინჯეთ, თვით მიწის კოლექტიურათ ხაიჯარო ამხანაგობანიც კი. ***).

ამ უკანასკნელთ პირველნი აწვდიან სხვა და სხვა საქირო საგნებს (მაგ. მიწის სასუქი და სხვ.) და უსაღებენ სხვა და სხვა ნაწარმოებს. მე აღარ მოვიყვან მაგალითებს ამის შესახებ პოლონეთიდან, ამერიკა-შვეიცია-ნორვეგიიდან და სხვ. სახელმწიფოებიდან. ჩემ თავს ნებას მივცემ, ყველა შემონათქვამის შემდეგ, უფრო თამამათ გავიმეორო, რომ საწარმოო კოოპერატივები სოფლათ მჭიდროთაა უკავშირებული მომხმარებელ კოოპერატივებთან. ყოველივე გაუგებრობის თავიდან ასაცილებლათ, მე ვხლავე უნდა აღვნიშნო, რომ ასეთი დამოკიდებულება სრულიადაც არაა უარყოფითი მოვლენა კოოპერაციის ცხოვრებაში. პირიქით ეს მოასწავებს კოოპერაციის სწორ გზაზე შედგომას. რომ ქალაქის საწარმოო კოოპერატივებს მჭიდრო კავშირი ჰქონებოდათ მომხმარებელ კოოპერატივებთან, ისინი სულ ადვილათ აიცილნდნენ თავიდან იმ ისტორიულ კრახს და გადაგვარებას, რომელიც მათ განიცადეს ყველგან, მთელი დედამიწის ზურგზე.

საქმე შემდეგ შია: ყოველ საწარმოო კოოპერატივს, როგორც მწარმოებელს, უხდება კონფლიქტი 1) სხვა მწარმოებლებთან და 2) მომხმარებლებთან. ეს ანტაგონიზმი შეუძლია გააქარწყლოს მხოლოდ მომხმარებელ კოოპერატივთა კავშირ-კანტროლს (თუ როგორ, ამაზე შემდეგ). ამასთანავე მომხმარებელ კოოპერატივს აქვს თავის საკუთარი, მუდმივი ბაზარი, სადაც ის ასაღებს თავის მოკავშირე—საწარმოო კოოპერატივის ნაწარმოებს და ამით ძლიერ დიდ სამსახურს უწევს მას.ერთხელ კიდევ ვიმეორებთ, ამბობს ერთ ალაგას ტო-

ტომიანცი, რომ სოფლის კოოპერატივთა გამარჯვება უმეტესათ დამოკიდებულია ქალაქის მომხმარებელ კოოპერატივთა დახმარებაზე. მხოლოდ ამ უკანასკნელთ შეუძლიათ გადალახონ ის სერიოზული დამბკოლებანი, რომელთაც კოოპერაცია განიცდის სოფლათ, სადაც ნატურით გაცვლა-გამოცვლა ჯერ კიდევ დიდ როლს თამაშობს. *).

მაგრამ ეგვე ურთიერთობა საწარმოო და მომხმარებელ კოოპერატივთა შორის გვიჩვენებს პირველთა განვითარების საზღვარს. მომხმარებელ კოოპერატივებს არ შეუძლიათ მთელი ნაციონალური ბაზრის დაპყრობა: ამიტომ ვერც მათი მოკავშირე საწარმოო კოოპერატივები დამახდებენ ყველა იმ საგნებს, რაც მთელ ნაციას ესაჭიროება; ე. ი. ისინი ვერ ჩივდებიან ხელში მთელ მოთხოვნა-მიწოდების საქმეს. მაგრამ ამას ჩვენ დეტალურათ ქვემოთ განვიხილავთ!

ახლა კი შევეხეთ საწარმოო კოოპერატივთა მეორე მხარეს—შრომის პრინციპების შელახვას მათში.

უნდა აღვნიშნოს, რომ სოფლის საწარმოო კოოპერატივში სამუშაოთ არსად არაა დაცული შრომის პრინციპები; იქ ყველგან დაქირავებული შრომაა გამეფებული. ამ მხრივ ეს ამხანაგობანი აქციონერულ საზოგადოებებს უფრო გვიან, ვინემ კოოპერატივებს. მაგალითად: ციმბირის და დანიის მერძვეთა საწარმოო ამხანაგობანი დაქირავებულ შრომით აწარმოებენ მთელ საქმეებს. რაც შეეხება იტალიას და შვეიცარიას, მათზე ლაპარაკი შეტია: მათი სოფლის მერძვეთა საწარმოო კოოპერატივები თითქმის უკვე მემამულეთა და კაპიტალისტთა ხელშია.

იტალიის სარძვევე კოოპერატივთა შესახებ ტოტომიანცი სწერს: „...ამ სარძვევე ამხანაგობათგან კოოპერატიული პრინციპები რამდენიმეთ განდევნილია, ვინაიდან რძის მოშტან წვევრებთან ერთათ იქ იღებენ წვევრებთ კაპიტალისტებსაც“ ** (ხაზი ჩემია ს. მ.). შვეიცარიის სარძეო ამხანაგობანი კი იმავე ტოტომიანცის მოწმობით „...უფრო ჰგვიანან კაპიტალისტთა კარტელებს, ვინემ კოოპერატივებს“. ***) ასეთივე მდგომარეობაა,

*) ibid., გვ. 149.
 *) ibid., გვ. 99.
 **) ibid., გვ. 189,238.

*) ib., გვ. 66. **) ib., 146,7,8; 206. ***) ibid., გვ. 85.

თუ უარსი არა, გერმანიაში. *) ამავე სურათებს — შრომის პრინციპების მივიწყება-გადაგვარებისას ვხედავთ ჩვენ მედღენთა (საფრანგეთი, ავსტრო-უნგრეთი, იტალია, ისპანია-პორტუგალია), მეკუ-რეთა (საფრანგეთი) და სხვ. სოფლის საწარმოო ამხანაგობათა შორის.

„სასოფლო-სამეურნეო კოოპერაცია, ამბობს ტოტომიანცი, არამც თუ მიმართავს ხშირათ დაქი-რამებულ შრომას, მას არ შეუძლია აიცილნოს მასთან (ე. ი. მუშებთან ს. მ.) კონფლიქტი კი“. **) (ხაზი ჩემია ს. მ.).

მეორე გამოჩენილ ეკონომისტ-კოოპერატორ ს. პრუდომინსკიმ იმდენათ უმოქმედნია სოფლის საწარმოო კოოპერატივთა გადაგვარებას, რომ იგი ერთ ალავს სწერს: „...სასოფლო-სამეურნეო კოო-პერატივები წარმოადგენენ კოოპერატიულ ორგა-ნიზაციათა მხოლოდ სურთავატს“ ***) (ხაზი ჩემია, ს. მ.).

აქ ჩვენ შეგვიძლია შევიჩერდეთ!

აი რა მოგვცა სოფლის საწარმოო კოოპერა-ტივთა მოკლე ანალიზმა! მათ განვითარებიდან სრულიადც არ გამომდინარეობს უტოპისტ-სოცია-ლისტებისათვის სასიანოვნო დასკვნა. ამას აშკარათ მოწმობს: 1) სოფლის საწარმოო კოოპერატივთა-გან შრომის პრინციპების მივიწყება, მათი გადაგვა-რება და 2) მათი დამოკიდებულება მთავრობასა და მომხმარებელ კოოპერატივებისაგან, რაც სახლვარს უღებს მათ განვითარებას.

ს. მიხელიძე.

გურიის ახალგაზრდა მარქსისტთა ორგანი-ზაციების მეორე კონფერენცია.

1 მარტს 4 საათზე გაიხსნა გურიის ახ. მარქსისტთა ორგანიზაციების მეორე კონფერენცია. თავმჯდომარეთ აირჩიეს აშხ. ვ. ლლონტი, მის ამხანაგათ ბ. გიორგაძე, მდივნებათ: კ. ორაგველიძე და პ. ფირცხალიაშვილი. და-მტკიცდა შემდეგი დღიური წესრიგი: 1) მოხსენებები ადგილებიდან, 2) მიმდინარე მომენტი. 3) ცენტრალ.

***) იხ. აგრეთვე Ильинъ, „Аграрный вопрос и критики Маркса“ გვ. 251,242.

*) Тотомянцъ, Сельско-хозяйственн. кооперация, გვ. 207.

**) С. Прокоповичъ, Кооперативное движение въ Россіи, 1913 წ., გვ. 126.

ორგანო („ჩვენი გზა“). 4) შეიარაღების შესახებ. 5) არ-ჩევნები. აირჩიეს სამანდატო კომისია.

დღეგატებმა გააკეთეს მოხსენებები: ოზურგეთი-დან, ლანჩხუთიდან, ჩოხატაურიდან, შუბუთიდან, სუფსი-დან და სხვ. ადგილებიდან. შემდეგ გადავიდნენ მესამე კითხვის განხილვაზე, რადგან მეორე კითხვა დიდ დროს ითხოვდა და დღეგატები უკვე დაღალულნი იყვნენ. ორგანოს შესახებ მოხსენებას აკეთებს აშხ. ვ. ლლონტი. მას საჭიროთ მიაჩნია „ჩვენი გზის“ არსებობა, რადგან ის უფრო მარტივი ენით იწერება და შეაკავშირებს გუ-რის ორგანიზაციებსა. „ახალი კვალი“ მეცნიერული წე-რილებით სავსეა და ის ბევრ ჩვენგანისათვის ხელმეწე-ლომელიაო. შემდეგ იმართება კამათი. მოხსენების წინა-აღმდეგ სიტყვა ეძლევა აშხ. კ. ორაგველიძეს. ის აკრი-ტიკებს ცალკ-ცალკე მოხსენების დებულებებს და აღნიშ-ნავს, რომ მთელი ყურადღება ცენტრს უნდა მიექცეს; თუ ცენტრი არ გავამაგრეთ, უჩვენოთ ვერ იარსებებს და ჟურნალი დაიხურებაო. ეს კი გამოიწვევს ახალგაზრდო-ბის ნორჩ კავშირის დარღვევას, მის ძალთა დაქსაქსვას. „ჩვენი გზა“-ს არც შესაფერი ხელმძღვანელი ყავს, მას კარგად ვერ გაუძღვებიან და ამიტომ გახეთს მკითხველი მოაკლდება. საჭიროა ეს ჩვენ დროზე გაითვალისწინოთ და ისე გადავსურათ საკითხიო. ამ საკითხზე ლაპარაკო-ბენ აგრეთვე აშხ. გიორგაძე, კეკელიძე, ჭყონია, დუღუ-ჩავა და ფირცხალიაშვილი. ზოგი მათგანიც წინააღმდე-გია მოხსენების. დიდი ხნის შემდეგ კამათი სწყდება და სიტყვა მომხსენებელს ეძლევა. ის იცავს თავის მოხსენე-ბას. წარმოადგინეს ორი რეზოლიუცია: პირველი კ. ორა-გველიძემ, — მიიღო 4 ხმა, მეორე მომხსენებელმა და მიი-ღო 20 ხმა, 2 კი თავი შეიკავა.

მეორე სხდომაზე სამანდატო კომისიის სახელით მოხსენებას აკეთებს ჭეიშვილი. კონფერენციაზე წარმო-დგენილი ყოფილა 12 ორგანიზაცია, — 29 დელეგატი, რომლებიც აკავშირებენ 1000-მდე ახალგ. მარქსისტებს. ამის შემდეგ აშხ. შ. დუღუჩავამ გააკეთა მოხსენება მიმ-დინარე მომენტზე. მან ვრცლათ ილაპარაკა კოალიციონ-ურ მთავრობის მოღვაწეობაზე; იგი ამართლებდა მის მოქმედებას. შემდეგ შეეხო კორნილოვის გამოსვლას, ოქტომბრის გადატრიალებას და მის სამწუხარო შედე-გებს. მხარს უჭერდა სეიმს და ამ-კავკასიის დამოუკიდე-ბლობას. წინააღმდეგი იყო ეროვნულ საბჭოების აგრა-რულ საკითხის გადაჭრის დავიანების შესახებ სხვათა შორის სიტყვა: კოალიციონურმა მთავრობამ მიწა იმიტომ არ მისცა გლეხებს, რომ შემდეგ ისინი მას გადაუღებო-დნენო. გაიმართა ცხარე კამათი. ილაპარაკეს აშხ. ფირ-ცხალიაშვილმა (ინტერნაცი.) ჭეიშვილმა, კ. ორაგველიძემ (ნ. ყ—ნის მიმდევრები), კონტრძემ და სხვ. შემდეგ სხდომაზე წარმოადგინეს ორი რეზოლიუცია. პირველი რუსეთის ობორონცებმა, მეორე ინტერნაცი. და ნ. ყ—ნის მიმდევრებმა. პირველმა მიიღო 8 ხმა, მეორემ 18, სხეებ-მა თავი შეიკავა. შეიარაღების შესახებ ისევ დუღუჩავა აკეთებს მოხსენებას. აღნიშნავს კრიტიკულ მდგომარეობას

და საჭიროთ სენობს ახალგაზრდობის შეიარაღებას, რათა სოფლებში მიანიც დაიცვან რევოლუციონური შესრები. მის რეზოლუციას ღებულობენ. დასასრულ მოხდა არჩევნები გურიის კომიტეტის და საკანტროლო კომისიის. კომიტეტში აირჩიეს: ანხ. კ. ორაგველიძე, ბ. გიორგაძე, ევ. ქყონია, ს. ბაღდაძე (პროვინცია), ვ. ლლონტი, შ. დუღუჩავა, პ. ფირცხალაიშვილი, ნ. გოგუაძე, ივ. ჭეიშვილი (ოზურგეთი), ორი კანდიდატი. საკანტროლო კომისიაში აირჩიეს იპ., გეგიაძე ივ., კონტრძე ბ., ჩიტაიშვილი ვ., როყუა ნ., ორი კანდიდატი.

კონფერენცია დაიხურა 2 მარტს საღამოს 9¹/₂ საათზე.

კონფერენციის მდივანი კ. ორაგველიძე.

ამიერკავკასიის ახალგაზრდა მარქსისტთა ორგანიზაციის პირველი კონფერენცია.

(მოახსენებები ადგილებიდან).

3. ყვირილის ორგანიზაცია.

ყვირილის ახალგაზრდა მარქსისტთა ორგანიზაცია დაარსდა რევოლუციის პირველ დღეებში. ამ ორგანიზაციაში შედიოდნენ ყველა ახალგაზრდები, რომლებიც კითხვანუგრობდნენ რ. ს.-დ. მ. პარტიას. იყვნენ მათ შორის მუშები, სტუდენტები, საშვალო და დაბალ სასწავლებლის მოწაფენი, ორივე სექსისა. ზაფხულის განმავლობაში ორგანიზაცია ენერგიულათ მუშაობდა: აწარმოებდა როგორც თეორიულ, ისე პრაქტიკულ მუშაობას. ჩვენი ორგანიზაცია შეეცადა შორაპნის მაზრის სხვა და სხვა რაიონებში დაეარსებინა ორგანიზაციები და დაარსა კიდევ რომლის შემდეგ ქ. ქიათურაში მოხდა მთელი მაზრის ორგანიზაციათა კონფერენცია. სექტემბრის დამდეგს ამხანაგები სხვა და სხვა სასწავლებლებში წავიდ-წამოვიდნენ და ორგანიზაცია დროებით დაიშალა კიდევ. მოკლე ხანში მოეწყო ახალი, რომელიც აქამდე ენერგიულათ მოქმედობს. ირიცხება 90-დე კაცი. მთელი ორგანიზაცია ორ კატეგორიათ არის გაყოფილი: მაღალი და დაბალი. პირველში გადიან ბოგდანოვს და სხვ., კითხულობენ რეფერატებს და ხელმძღვანელობას უწევენ დაბალ კატეგორიის ახალგაზრდებს. მეორე, დაბალ კატეგორიაში იწყებენ მეცადინეობას პოლიტიკის და ეკონომიკის ან-ბანინდან. ადგილობრივათ ორგანიზაცია არ სცემს ორგანოს. ის წინააღმდეგია დღევანდელ პირობებში გამოიცეს პროვინციალური ორგანოები. გვაქვს საკუთარი კასა და ბიბლიოთეკა. კასაში დაახლოვებით 200 მანეთამდეა. უმთავრესი წყარო კასისა არის საღამოების გამართვა და საწევრო გადასახადი; რომელიც თვიურათ არის 25 კაპ., ერთდროული—50 კ. ყვირილაში სხვა და სხვა პარტიის ორგანიზაციები აქამდე არ არსებობდა. ესენი ამ ბოლო ხანებში შესდგა. ჩვენი ორგანიზაცია სცილობს ამ ქამათ მათთან გამართოს დამოკიდებულებად რეფერატების კითხვის სახით, ამასთანავე ორგანიზაცია ეხმარება ცენტრალურ ორგანოს „ახალ კვალს“ როგორც მასალებით, ისე ნივთიერათაც. მომხსენებელი დ. ორაგველიძე.

4. ოზურგეთის ორგანიზაცია.

ოზურგეთის ახალგაზრდა მარქსისტთა ორგანიზაციას საფუძველი ჩაეყარა რევოლუციის პირველ დღეებში. შიგ შედიან წევრებათ როგორც მოწაფენი, ისე არა მოწაფეებიც. წევრათ რიცხვი ორასამდეა; ორგანიზაცია ფრაქციულია (მენშევიკური) და მოქმედების დროს ამავე ხანს ატარებს. მთელი ორგანიზაცია დაყოფილია პოლიტიკური ცოდნის და მიხედვით ორ კატეგორიათ, ხელმძღვანელობას უწევენ მოწინავე პირები. გვაქვს საკუთარი სამკითხველო, საცა სხვა და სხვა ჟურნალ-გაზეთები მინდის. უკანასკნელ ხანებში ორგანიზაციათ გამოსცა ყოველკერუული ორგანო „ჩვენი გზა“. საწევრო გადასახადი არის ერთდროული 50 კ.—თვიური 30 კ. მომხსენებელი შ. დუღუჩავა.

5. ლანჩხუთის ორგანიზაცია.

მარქსისტ მოწაფეთათ წრე ძველი რეჟიმის დროსაც იყო. ამას მოუსწრო რევოლუციამ და მოწაფეებიც აშკარათ დაირაზმა ჩვენ ორგანიზაციაში. მაგრამ მათ არ ჰყავდათ ხელმძღვანელი. ზაფხულში ჩამოვიდნენ ქალაქებიდან უფროსი ამხანაგი-მოწაფეები და მათი მეთაურობით დაარსდა უკვე ახალგაზრდა მარქსისტთა ორგანიზაცია, განურჩევლათ პროფესიისა. შემდეგ ლანჩხუთში გაიხსნა გიმნაზია, მოწაფეებიც ბლომათ შეიკრიბა და მუშაობდა უფრო ენერგიულათ წავიდა. ორგანიზაციაში ბალშევიკებიც არიან, მაგრამ მათი მოქმედების ხაზი არის მენშევიკური. წევრათ რიცხვი უდრის 138-ს. ორგანიზაცია დაყოფილია ორ კატეგორიათ. კომიტეტმა შეიმუშავა წესდება და პროგრამა, რომლის მიხედვით სწარმოებდა მეცადინეობა. ფინანსიურის მხრივ ორგანიზაცია უნუგეშო მდგომარეობაშია. საწევრო გადასახადია ერთდროული 50 კ. თვიური 30 კ. ვმართავთ წარმოდგენებსაც. ადგილობრივ გეგონად ხელმთნაწერი ჟურნალი, მაგრამ დაიხურა, რადგანაც დიდ შრომას და დროს ითხოვდა. „ახალი კვალი“-ს გამოსვლას ჩვენი ორგანიზაცია აღტაცებით შეხვდა და აღმოუჩინეს მას დახმარება ყოველმხრივ. საღებდა ასი ცალი. გვაქვს დამოკიდებულება სხვა და სხვა პარტიებთან. ვმართავთ ლექციებს და ვკითხულობთ რეფერატებს. აგრეთვე გვაქვს საკუთარი ბიბლიოთეკა.

მომხსენებელი კ. ორაგველიძე.

ახალგაზრდა მარქსისტთა შორის.

ბათუმის ახალგაზრდა მარქსისტთა ორგანიზაციის გარეშე.

რამდენიმე წლის წინათ რ. ს.-დ. პარტიაში მომხდარმა განხეთქილებამ ძლიერი ფესვები გაიდგა. მიმდინარე რევოლუციაში კი ყოველივე მოლოდინს გადააქარბა. ერთ დროს არსებული მთლიანი პარტია, რამდენ

984
1918 53

წინე ფრაქციებთან და პარტიანთ დიყო და ურთიერთს სამკვდრო სასიცოცხლო ბრძოლა გამოუტყდა. ცენტრში ანოიებულ ბრძოლის ცეცხლი პერიფერიებსაც მოედო და აქაც სასტიკი ომი გახალდა.

ეს ასე მოხდა მოზრდილთა ორგანიზაციებში. იგივე განმეორდა ახალგაზრდათა შორის. მიუხედავად ამისა ბათუმის ახალგაზრდა მარქსისტთა ორგანიზაციამ გადასწყვიტა სასტიკი ბრძოლა გამოეცხადებინა პარტიის ასეთ დაქუცმაცებისათვის, შემბრდოლებოდა ორივე უკიდურეს ფრთას და მით ხელი შეეწყო მთლიანობის აღდგენისათვის. ამის გამო დაარსების პირველ დღეებში ორგანიზაციაში თანხმობა იყო გამეფებული და ფრაქციათა შეხლა-შემოხლა უმნიშვნელო ხასიათს ღებულადა. მაგრამ გავიდა ხანი და ასეთი ერთობა თანდათან მძიმე ხდებოდა: მიუხედავად ამისა, რომ მეუმრავლესათა ფრთა უმნიშვნელო ძალას წარმოადგენდა, დანარჩენებმა გადასწყვიტეს ყოველივე ზომები მიეღოთ საერთო ფრთის გამოსახანავათ და განხეთქილების თავიდან ასაცილებლათ დათმობის გზას დაადგენ. ამ საშვალბებით მათ შესძლეს 14 იანვარმდე დაეცოთ ორგანიზაციის მილიანობა. მხოლოდ 14 იანვარს გასწყდა შემეერთებელი ძატი. დღეს ნათლად განვირკივება აბანეიერთა ფრთისათვის და ყველასათვის ნათელი შეიქნა თუ როგორ ხელოვნურათ მოაზნადეს ნიადაგი განხეთქილებისათვის. ამ დღეებში დანიშნული იყო ამიერ-კავკასიის ახალგაზრდა მარქსისტთა ორგანიზაციების კონფერენცია, რომლის დღეგატეები 14 იანვარს კრებას უნდა ამოეჩინა. ბათუმის ორგანიზაცია დიდი ხანია სცილობდა მოეწვიათ კონფერენცია და ამ მიზნით რამოდენიმე წერილიც კი გაგზავნა ცენტრალურ კომიტეტში; ამ წერილების გავზავნის დროს მეუმრავლესთ ხმაც არ დაუძრავთ და დღეს კი მოითხოვენ არ მიეცეთ კონფერენციასზე მონაწილეობა. მიუხედავად ყოველივე ამისა გამოჩინახათ შემაერთებელი ხაზი, რათა მთლიანობა არ დარღვეულიყო, მათ ყოველივე უარყვეს და თითოეულივე ფრთისათვის განმეორება იწყეს. როდესაც კრებამ კითხვა დადებითად გადასჭრა, მათ განაცხადეს, ყოველივე კავშირს გაწყვიტოთ ორგანიზაციისათვის და დემონსტრატულად დაბრუნდეს 75 წევრთაგან მათ მხოლოდ 3-მდე გაჰყავთ.

სანამ ორგანიზაცია გაერთიანებული იყო და ფრაქციათა კრებულს წარმოადგენდა, ეს მთლიანობა რომ არ დარღვეულიყო, იგი ნეიტრალიტეტს იცავდა და არც ერთ პარტიასთან დამოკიდებულება არ ჰქონია, მხოლოდ ცდილობდა წყვეტებ გაეწერათ პოლიტიკურ კითხვებში და შეესწავლებინა სოც.-დემოკრატიული მოძღვრება. მეუმრავლესთა ჩამოშორების შემდეგ ორგანიზაციამ მიიღო წინადადება მენშევიკური (გაერთიანებული) ხასიათი და შესათერო ორგანიზაციებსაც დაუკავშირდა. უკანასკნელ დღეებში აირჩიეს წარმომადგენელი მოზრდილთა ადგილობრივ პარტიულ-ცენტრალურ კომიტეტში და პასუხისმგებელი კორკედიტორ ბექვდიეთს ორგანიზებისათვის. მიმოიხიზაციის გამო მოხდა კომიტეტის რეორგანიზაცია. არჩეული იქნა საკმაოთ ფიზიკური და ენერგიული მუშაკები. დღემდე ორგანიზაციაში ენერგიული მუშაკობა სწრაფი მოვიდა, რის გამო მატერიალურადაც საკმაოთ მოლონირდა. საჭიროა მომავალშიაც კომიტეტმა და საზოგადოთ წევრებმა მეტი უნარი გამოამჩინონ, შემოაკრიბონ მის გარშემო მოზარდი თაობა და უფრო მეტი ენერგიით შეუდგენ მარქსისტულ თეორიის შესწავლას და მით მომავალ თაობას შეძინონ ბასრი ირადით აღჭურვილი მებრძოლნი.

სასურველია ორგანიზაციაში აქტიურ მონაწილეო-

ბას მიიღებდენ მოზილიზაციის დროს სხვა და სხვა ადგილებიდან ვადმოტყორცილო აშხანავებო, სტუდენტები და საერთოთ ახალგაზრდობა და მით სათანადო წვლილს შეიტანდენ ორგანიზაციის მუშაობაში.

სმარტაკი.

ბახვის ორგანიზაცია.

19 თებერვალს ბახვის სკოლის დარბაზში მოხდა ბახვის ახალგაზრდა მარქსისტთა ორგანიზაციის წევრთა არაჩვეულებრივი კრება. დღის წესრიგი იყო: 1) სარევიზიო კომისიის მოხსენება. 2) გურიის კონფერენცია. 3) წრეების დაარსება და სხვა.

კრებამ თავმჯდომარეთ აირჩია აშხ. ტილიძე და მდივნათ შ. ცქვიტინიძე.

სარევიზიო კომისიის თავმჯდომარემ აშხ. ი. გეგიაძემ გააცნო კრებას სარევიზიო კომ. ანგარიში. ანგარიში კრებამ დაამტკიცა. გურიის კონფერენციის შესახებ მოხსენება გააკეთა აშხ. ან. ტილიძემ. მან აუხსნა კრებას გურიის კონფერენციის მნიშვნელობა და დღის წესრიგის უმთავრესი საკითხები, სხვათა შორის საკითხი ცენტრალურ ორგანო „ახალი კვალისა“ და გურიის ორგანო „ჩვენი გზის“ შესახებ.

ამ საკითხმა დიდი კამათი გამოიწვია; ბოლოს კრებამ სასურველათ სცნო ორივე ორგანოს არსებობა, თუ კი ეს მატერიალურათ შესაძლებელი იქნება. თუ კი ორგანიზაცია ვერ შესძლებს ორივეს შენახვას, მაშინ „ჩვენი გზა“ დაიხსროს და მისი ქონება გადაეცეს ცენტრალურ ორგანოს.

ამის შემდეგ კრებამ აირჩია სამი დელეგატი კონფერენციასზე გასაგზავნათ: ათ. ტილიძე, ვ. ისწირველი და ი. გეგიაძე. კანდიდატათ კ. ძნელიძე. დაბოლოს კრებამ გადასწყვიტა მთელი ორგანიზაციის ძირითადი გარდაქმნა და სამეცადინო წრეების მოწყობა.

მოწაფე.

ლიხთურის ორგანიზაციის ცხოვრებიდან.

18 თებერვალს, სკოლის დარბაზში, შესდგა ლიხთურის ახალგაზრდა მარქსისტთა ორგანიზაციის წევრთა კრება. განსახილველი იყო შემდეგი საკითხები: მომენტის, ვახუთი „ჩვენი გზის“-ს შესახებ, გურიის კონფერენცია და სხვა წვრილმანი საკითხები.

თავმჯდომარეთ კრებამ აირჩია აშხ. ალ. მალულაჩი, მდივნათ თ: ქელოძე. მომენტის შესახებ მოხსენებას აკეთებს აშხ. კონტრიაძე. ოპონენტებათ გამოვიდენ: ბ. შარაშინიძე (ბოლშ.), გერმანე ურუშაძე (ინტერნაცი.), და სხვა აშხანავები.

ვახუთი „ჩვენი გზის“-ს შესახებ კრებამ დაადგინა: იარსებოს ვახუთი „ჩვენი გზის“, რადგანაც ის აშხადებს ახალგაზრდობას ყურნალ „ახალი კვალი“-ს წასაკითხავათ და თავისი არსებობით სარგებლობას მოუტანს ყურნალ „ახალ კვალს“. აგრეთვე კრებამ გადასწყვიტა გაუშვიოს ორივეს მატერიალური დახმარება.

გურიის კონფერენციის დელეგატებათ კრება ირჩევს აშხ. ბ. შარაშინიძეს და გ. ურუშაძეს.

მწუხარი შვილი.

რედაქტორ-გამომცემელი:

სარედაქციო კოლეგია.

სტამბა ბარათლომე კილაძისა, ველიამინოვის ქუჩა, № 3.